

## ହିନ୍ଦୁମାନଙ୍କୁ ଲିଖିତ ପତ୍ର ଏବଂ ଲକ୍ଷ୍ମଣଙ୍କ ରାଚିତ ଆକୁ ମୂଲ୍ୟ ହାତୀ

ଏହି ପତ୍ର ର ରାହାଁ ହାନି ପତ୍ର □ ପୁସ୍ତକ ମେରାତି ହାରେକା ମାହାପୁରୁ ଅଣ୍ଟପୁତି ବଲୁୟା ପୁସ୍ତକ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି □ ଇ ପତ୍ର ର ନେହଁ କାତାତି ଖେହ୍ନି ପତ୍ର □ ଇମ୍ପାଆଁ ତାନିକଡ଼ିଟିଏ ହାରେକା ପୁସ୍ତକ ମେରାତି କାତାୟା ରାସ୍ତକି ଆହାମାନୁ □ ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ଟପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୂରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି □

ଇଦାଆଁତାକି ଇ ପତ୍ର ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତ୍ର □ ଏହି ପତ୍ର ଖେସିମାନେ, ଜୀସୁ ଏନିକଁ ମେରାତି ପୂରା କିତେସି, ଏନିକଁ ପୂଜେରାଜା ଅଡ଼େ ଖେଣ୍ଡେ ପୂଜା ହାହାଲି ଲଡ଼ା ହିଲେଏ □ ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି □ ନୀଏଁତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏହି ପତ୍ର ସାସା ଅଡ଼େ ବାସୁଁ ତସିମାନେ □ କ୍ରୀସ୍ତ ମାଲେ ମାହାପୁରୁ ତାଣା ବାସୁଁ କିଞ୍ଜିହାଲି ଆଡ଼ାମାଜାନେସି □ ଅଡ଼େ ଏଞ୍ଜାଣି ତାଣା ବାସୁଁ ଇଟାନା ତାକିନ ୧୨:୨ □

ଏହି ପତ୍ର ଆମ୍ପାଆସି ରାଚାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ିୟିନେରି □ ଇଦାନି ରାଚିତି କାଲିମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ରାସ୍ତକି ଆହାମାନେ □ ଇଚିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ନାସା ଆଡ଼େ ସାମା ଇ ଆକୁତି ରାଚିନାସି ଇଦି ନାସା ଆଆତିଲେହେଁ

ରାତିମାନେସି □ ଏହି ପତି ରମ୍ ଗାଡ଼ାତା ରାସ୍ କି ଆହାମାତେ ୧୩:୨୪  
ଅଡ଼େ ହାରେକା କୁଲମିକାଶା ବାଟିକିଞ୍ଜି ଆହାମାତେ □

### ପତିତା ମାନାସି

- ୧ ଜୀସୁ କ୍ରୀସ୍ତ ମାହାପୁରୁ ଅଣ୍ପୁତି ବଲୁ ଖେହ୍ନାସି ଅଡ଼େ ଦୂତୁୟା  
କିହା ଜିକେଏ କାଜାସି □ ୧:୧-୪:୧୩
- ୨ ଜିରୁସାଲମତା ସେବା କିହିମାନି ପୂଜେରାଜା କିହା ଜିକେଏ  
ଜୀସୁ କାଜାସି □ ୪:୧୪-୭:୨୮
- ୩ ମାହାପୁରୁ ମସାକି ମେରା ହୀହାନା ତାନି ଲକୁତଲେ କିହାମାତି  
ରାଜିମାନା କିହା ଜୀସୁତି ସେବା କାମା କାଜାସି □ ୮:୧-୧୦:୩୧
- ୪ ଜୀସୁଇଁ ବାରେ ତାଶା କାଜାସି କିହାନା ଖେସାମାନେସି □  
୧୦:୩୨-୧୩:୧୭
- ୫ ସାସା ଅଡ଼େ ବାସୁତି କାତା ଖେସାନା ଜହରା ତଲେ ଆକୁତି  
ରାପୁନାସି □ ୧୩:୧୮-୨୫

### ମୀରଏଶା ତାଶାଟି ମାହାପୁରୁତି ବଲୁ

୧ ମାହାପୁରୁ ତଲି କାଲତା ଏଟକା ଏଟକା ଟାୟୁତା ଅଡ଼େ ଏଟକା  
ଏଟକାତି ମାହାପୁରୁ ଅଣ୍ପୁତି ବଲୁ ଖେହ୍ନାରି ତାଶାଟି ମା.ଆକୁ  
ଆବାୟାଣି କାତା ଖେସାମାରେସି,

୨ ସାମା ଇ ରାନି ବେଲତା ମୀରଏଶା ତାଶାଟି ମାଜେ କାତା  
ଖେସାମାଜାନେସି □ ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି  
କିହା ଆଚାମାନେସି, ଏଞ୍ଜାଣି ତାଶାଟି ହାଗୁପାକା ଦାର୍ତି ବାରେ  
ଗାଡ଼ିକିତେସି;

୩ ଏ ମୀରଏସି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି  
ଞ୍ଜାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ  
ଦାର୍ତିତି ସାଲଞ୍ଜି କିନେସି, ଇଞ୍ଜା ମା.ପାପୁ ବାରେ ମେକ୍‌କିହି ଡ଼ାୟୁ  
ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଚିଃନି ଚଟତା କୁଗାମାନେସି  
□

### ମାହାପୁରୁ ମୀରଏସି ବାରେକିହା କାଜାସି

୪ ମୀରୁଏସି ଏନିକ୍ ଲାକପୁରୁତି ଦୂତୁୟାଁ କିହାଁ ହାରେକା କାଜା  
ଦରୁତି ଅଦିକାରା ବେଟାଆହା ମାନେସି, ଏଲେକିହୁଏ ଏଝାସି  
ଏଝାସିକା କିହାଁ ହାରେକା କାଜାସି ଆହାମାନେସି □

୫ ଇଚିହୁ ମାହାପୁରୁ ଦୂତୁୟାଁ ବିତ୍ରାଟି ଆମ୍ବାଆରାଇଁ ଏଚେଲା  
ଏଲେଇଞ୍ଜା ହିଲଅସି,

“ନୀନୁ ନା ମୀରୁଏଶାତି,

ନୀଞ୍ଜୁଟିଏ ନୀନୁ ନୀ ତାଞ୍ଜିତେଏଁ”

ଅଡେ ଜିକେଏ ମାହାପୁରୁ ଏଲେଇଚେସି,

“ନୀନୁ ମୀ ଆଚାତେଏଁ ଆହାମାଇଁ,

ଅଡେ ନୀନୁ ନା ମୀରୁଏଶାତି ଆଦି □”

୬ ଅଡେ ମାହାପୁରୁ ତାନି ପାଣ୍ଡା ମୀରୁଏଶାଲ୍ ଅଡେ ଝେଶ୍ଵେ  
ଦାରତତା ପାଣ୍ଡାତେସି, ଏ ବେଲାତି ସିନିକିହାନା ଏଲେଇନେସି,  
“ମାହାପୁରୁତି ବାରେ ଦୂତୁୟାଁ ଏଝାଶାଲ୍ ଜହରା କିପେରି □”

୭ ର ଝାକିଟି ମାହାପୁରୁ ଦୂତୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୂତୁୟାଁଲ୍ ଗାଲି ଲେହେଁତି ଜୀଝୁ ହୀନେସି,

ଅଡେ ତାନି ସେବା କିନାରାଇଁ ହିରୁ ଗୁଦ୍‌ଝା ଲେହେଁ କିନେସି

□”

୮ ଅରଝାକି ମାହାପୁରୁ ତାନି ମୀରୁଏଶା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲାକାଲା ତାକି ଡୟିନେ,

ଅଡେ ନୀନୁ ସାଲ୍‌ଝି କିନାୟି ନୀହାଁୟି ତଲେ ଆନେ □

୯ ନୀନୁ ଦାମ୍‌ ଗାଟାଶାଲ୍ ଜୀଝୁ ନହୁଁ ମାଞ୍ଜି

ଅଡେ ଦାମ୍‌ ହିଲାଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଙ୍ଗେ ଆଚାନେସି,

ମୀ ତଢେସିଙ୍ଗା କିହାଁ ନିଙ୍ଗେ ହାରେକା ରାହାଁତି ନିୟୁଁ ଝାକ୍‌ହାନା

ନିଙ୍ଗେ ଆଚାନେସି □”

୧୦ ଏଝାସି ଅଡେ ଝେସିମାନେସି,

“ଏ ପ୍ରୁ, ନୀନୁ ମୁଲୁଏ ଦାରତିତି ପୁନାଦି ଗାଡିକିତି,

ଅଡେ ହାଗୁପାକା ବାରେ ନୀ କେୟୁତଲେ କେପିତି □”

୧୧ “ଏ ବାରେ ର ଦିନା ମେଶ୍‌ଙ୍ଗାହାନେ, ସାମା ନୀନୁ କାଲେଏ  
ଡୟିଦି;

ଅଡ଼େ ଏ ବାରେ ପ୍ଲାଃଇ ହିମ୍ବରିକା ଲେହେଁ ଗେଞ୍ଜା ହାନୁ  
 ୧୨ ଅଡ଼େ, ନୀନୁ ହିମ୍ବରି ଲେହେଁ, ହାଅ, ହିମ୍ବରି ଲେହେଁ ମୁଦାକିଦି  
 ଅଡ଼େ ଏଝି ବାରେ ହିମ୍ବରିକା ଲେହେଁ ବାଦଲି ଆନୁ;  
 ସାମା ନୀନୁ ବାରେବେଲା ଏଝାତିଏ,  
 ଅଡ଼େ ନୀ ଜୀଝୁ ଏଚେଲାଝା ରାଏ □”

୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଝା ଏଲେଇଞ୍ଜା ହିଲଅସି,  
 “ନାନୁ ନୀ ସାତୁୟାଁଣି ନୀ କତାୟାଁ ଡ଼ଇ ଇଗାଆ ପାତେକା  
 ନୀନୁ ନା ଚିଃନି ଚଟତା କୁଗାମାନାମୁ □”

୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ? ଏଝାରି  
 ଆହିମାନେରି ମାହାପୁରୁତି ସେବା କିନାରି ମାଣସିୟାଁଇଁ ସାୟେମି  
 କିହାନା ଗେଲପାଲିତାକି ମାହାପୁରୁ ତାଣାଟି ପାଣୁଝିଆଡ଼ି ଜୀଝୁୟାଁ □

## ୨

### ଗେଲପିନାୟି

୧ ଏଦାଆଁତାକି, ମାର ଝେଞ୍ଜାମାନି କାତାତି ହାରେକା ଝେଞ୍ଜାଲି  
 ମନ ହାନାୟି ମାନେ, ଆଆତୁଁ ମାର ଏଚେତା ଜିରୁ ବାଣ୍ଡି ଆଆୟି  
 □

୨ ଇଚିହୁଁ ନକେଏ ଲାକପୁରୁତି ଦୁତୁୟାଁ ତାଣାଟି ଏଲେଇଞ୍ଜା  
 ମାନେସି, ଏଦି ସାତା ଇଞ୍ଜୁଁ ତୀରିଆହାଁ ମାନେ, ଅଡ଼େ ଆମ୍ବାଆରି  
 କାତା ଆହୁଆନା ମାନୁଝି ଆହାହିଲଅରି, ଏଝାରି ତାମ୍ବୁବେଟାଆନି  
 ଡ଼ଣୁ ବେଟାଆହାମାନେରି □

୩ ଆତିହୁଁ ଇଲେତି ଗେଲପିନାଣିଇଁ ହେଲା କିତିହୁଁ ମାର  
 ଏନିକିଁ ଗେଲହିନାୟି ? ଏଦି ନକେଏ ପୁରୁ ତାଣାଟି ଝେସ୍ପି  
 ଆହାଁ ଝେଞ୍ଜାମାନି ଲକୁ ତାଣାଟି ମା ତାଣା ଝେସ୍ପିଆହାମାନାୟି ସାତା  
 ଆହାମାନେ;

୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା  
 ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା, ବାଡ଼ମୁଗାଟି କାମାୟାଁ  
 ଅଡ଼େ ସୁଦୁଜୀଝୁତି ଏଟକା ଏଟକାତି ଦାନା ହାହାନା ସାକି  
 ହାହାମାନେସି □

ଜୀସୁ ମାଣସି ଝାଣା ଆଡେସି

\* ମାହାପୁରୁ ଆମିନି ପୁଃନି ଦାର୍ତ୍ତିତ ଗାଡ଼ି କିନେସି, ଅଡ଼େ ଆମିନି ଦାର୍ତ୍ତିତ କାତା ମାମ୍ବୁ ଝେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ କେମ୍ବୁତା ହେରପା ହିଲଅସି □

୨ ସାମା ରଅସି ର ଗାମ୍ବୁତା ସାକି ହାହାମାନେସି;

“ଏ ମାହାପୁରୁ, ମାଣ୍ଡସି ଆମ୍ବାଆସି, ନୀନୁ ଏଞ୍ଜାଣାଇଁ ଅଣ୍ଡିମାଞ୍ଜି ?  
ମାଣ୍ଡସି ମୀରଏସି ଆମ୍ବାଆସି ନୀନୁ ଏଞ୍ଜାଣି ଜାଡ଼ନୁ ଅହିମାଞ୍ଜି ?

୩ ନୀନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଉଣା କିହାମାଞ୍ଜି;  
ନୀନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଟପେରି ତୁରଞ୍ଜି  
କିହାମାଞ୍ଜି,

୮ ନୀନୁ ବାରେ ଏଞ୍ଜାଣି କତାୟାଁ ଡ଼ଇ ଇଟାମାଞ୍ଜି □”

ସାତେଏ ମାହାପୁରୁ “ବାରେତି” ଇତିହିଁ ଏନାଆଁଞ୍ଜା ପିହୁଆନା ବାରେତି ତାନି କଡ଼ାଁ ଡ଼ଇ ଇଟାମାନେସି; ଆଡ଼ିଜିକେଏ ମାର ନୀଏଁ ପାତେକା ବାରେ ତାନି ଡ଼ଇ ଆହାମାନାଣି ମେସି ହିଲାଆୟି ସାତା □

୯ ମାର ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାଚେସି, ଏଞ୍ଜାଣାଇଁ ଇତିହିଁ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଟପେରି ତୁରହା ମାନାଣି ମେସିମାନାୟି, ଏନିକିଁ ମାହାପୁରୁତି କାର୍ମାଟି ବାରେ ମାଣ୍ଡସିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି □

୧୦ ଇତିହିଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାଡ଼େକା ମୀରକାଣି ଜୀସୁତି ଗାଞ୍ଜୁରମି ପାଣ୍ଡପି କିହାଲି, ଜୀସୁ ଦୁକୁ କସ୍ତୁ ବେଟାଆହାନା ଏଞ୍ଜାରାଇଁ ଗେଲ୍‌ପିନି ଜିରୁତା ଅନେସି □

୧୧ ଆମ୍ବାଆସି ପାପୁଟି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରକା; ଏଦାଆଁତାକି ଏଞ୍ଜାରାଇଁ ଜୀସୁ ତାୟି ତାଜି ଇଞ୍ଜାଲି ଲାଜା ଆଅସି,

୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,

“ନୀନୁ ନା ତାୟି ତାଜିସ୍ତା ନକିତା ନୀ ବାରେ କାମା ଝେକକଇଁ,  
ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ □”

୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାନୁ ତୀରି କିଇଁ □” ଅଡ଼େ ସିନିକିଦୁ “ମାହାପୁରୁ ନାଙ୍ଗେ ହୀହାମାଞ୍ଜାନି ମୀରକା ମାସକା ନା ତଲେ ମାନେରି □”

୧୪ ଏନାଆଁତାକି ଇଚିହିଁ ମୀରକା ଉଞ୍ଜା ଅଡ଼େ ନେତେରିତି ଆଙ୍ଗାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହିଁଏ ମାଣ୍ଡସି ଝାଣା ଆଡ଼େସି, ଏନିକିଁ ତାନି ହାକିଟି ସୟତାନଇଁ ନାସା କିନେସି; ଇଚିହିଁ ହାକି ସୟତାନତି ଅଦିକାରାତା ମାଚେ □

୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି ହଲିୟାଙ୍ଗା ଆହାନା ଦସ୍ତ ଆହାମାଚେରି, ଏଞ୍ଜାସି ଏଞ୍ଜାରାଇଁ ଗେଲ୍ପିନେସି □

୧୬ ଇଚିହିଁ ଏଞ୍ଜାସି ସାତେଏ ଲାକପୁରୁତି ଦୃତୁୟାଣି ସାୟେମି କିଆନା ଅବ୍ରାହାମତି ମୀରକାଣି ସାୟେମି କିହିମାନେସି □

୧୭ ଏନାଆଁତାକି ଏଞ୍ଜାସି ବାରେ ଝାକିଟି ତାନି ତାୟିୟାଁ ଲେହେଁ ଆନାୟି ମାଚେ, ଏନିକିଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହୀହାଲିତାକି ମାହାପୁରୁତି ସେବା କାମାତା ର କାର୍ମାମେହନି ଅଡ଼େ ନାନୁତି କାଜା ପୂଜେରା ଆନେସି □

୧୮ ଇଚିହିଁ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି □

## ୩

### ଜୀସୁ ମସା କିହାଁ କାଜାସି

୧ ଏନାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଙ୍ଗିସ୍ତା ମୀରୁ ଆମିନି ମାହାପୁରୁତି ହାଟକି ଆହାମାନି ତାଣା ଆଣ୍ଡାମାନାତେରି ମା ନାନୁତଲେ ପାଣ୍ଡୁଞ୍ଜିଆହାମାନି କାଜା ପୂଜେରା ଜୀସୁତି କାତା ଅଣ୍ଡାପାଦୁ;

୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହିଁ ତାଙ୍ଗେ ଆତାମାନି ମାହାପୁରୁ ନକିତା ମାନିଗାଟାସି ଆଡ଼େସି □

୩ ଇଲୁ କିହାଁ ଇଲୁ କେପିତାସି ଏନିକିଁ ମାନି ବେଟା ଆନେସି,  
ଏଲେକିହିଁ ଏ ମସା କିହାଁ ଜୀସୁ ହାରେକା ଗାଝୁରମିତି ଜଠେ  
ଆହାମାନେସି □

୪ ଇତିହିଁ ବାରେ ଇଲୁକା ଆମ୍ବାଆରି ଆଆତ୍ ଆମ୍ବାଆରି  
ତାଣାଟି କେପ୍ତ୍ତି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି □

୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା  
କାମା କିହାମାଚେସି, ଇଞ୍ଜା ଏମିନି କାତା ମାହାପୁରୁ ତାୟୁ ଝେସାଲି  
ମନ କିହାମାଚେସି ଏ କାତେଏ ଇଦି □

୬ ସାମା ଜୀସୁ କ୍ରୀସ୍ତ ତାନି ଆବା ଇଲୁତି ମୁହେଁ ମୀରଏଣା  
ଲେହେଁ ମାନିଗାଟାସି; ଇଞ୍ଜା ମାର ମା ସାସାତଲେ ଆଞ୍ଜାମାନାଣି  
ବେଟାଆନାୟି ଇଞ୍ଜିଁ ମା ବାସୁତି ତାୟୁ ପାତେକା ଜାଣେ ଆସା  
ଡ଼ୟିନ, ଆତିହିଁ ମାର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି □

### ମାହାପୁରୁ ଲକୁତାକି ଜମିନାୟି

- ୭ ଏଦାଆଁତାକି ସୁଦୁଜୀଝୁ ଝେସିମାନିଲେହେଁ,  
“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,  
    ୮ ଆତିହିଁ ମୀ ଆକୁ ଆବାୟାଁ ଲେହେଁ ମୀ ହିୟାତି ଆବୁଞ୍ଜା  
        କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ  
        ତାୟିପାରି କିହାନା  
        ଏଞ୍ଜାଣି କପାଟି ନିଙ୍ଗାମାଚେରି,  
୯ ଏ ବାଟାତା ମୀ ଆକୁ ଆବାୟାଁ ନାଙ୍ଗେ ତାୟିପାରି କିହାଁ ନାଙ୍ଗେ  
        ମେସ୍ତାତେରି,  
        ଅଡ଼େ ରୀ କଡ଼ି ବାର୍ସା ପାତେକା ମା କାମା ସିନିକିତେରି □  
୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାର୍ବି ଆହାନା  
        ଏଲେଇଚେସି,  
        ‘ଏଞ୍ଜାରି ବାରେବେଲା ହିୟାତା ମାନି ହିଲାଆ ଗାଟାରି,  
        ଏଞ୍ଜାରି ନା ଜିରୁ ପୁଞ୍ଜାହିଲଅରି □’  
୧୧ ଇଦାଆଁତାକି ନାନୁ ନା କପାଟି ପାରମାଣା କିତେସି,  
        ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେସିମା ଏ  
        ଦେସାତା ଏଞ୍ଜାରି ଏଚେଲାଞ୍ଜା ହଡ଼ାଲି ଆଡ଼ଅରି □”

୧୨ ଏ ଡାୟି ତାଜିସ୍ତା, ଜାଗ୍ରତା, ପାପୁ ଅଡ଼େ ନାମାଆଗାଟି ହିୟାଁ  
ମୀ ଆମ୍ବାଆରି ତାଣା ହିଲେଏ, ଏନିକିଁ ମୀରୁ ଜୀଝୁଗାଟି ମାହାପୁରୁ  
ତାଣାଟି ହେକ ଆଅଡେରି □

୧୩ ସାମା ଏଡେତା ପାପୁ ତଲେ ନାଡ଼ିକିଝି ଆହାନା ମୀ ବିତ୍ରାଟି  
ଆମ୍ବାଆରି ହିୟାଁ ଆବୁଝା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ  
ବାରେଦିନା ରଅଡେରି ରଅଣାଲ୍ ବାର୍ସୁତି କାତା ଜଲାନା ସାୟେମି  
କିଦୁ;

୧୪ ଇଚିହଁ ନକେଏ ମା ଆମିନି ନାମୁ ମାରେ, ଏଦାଆଁ ତାୟୁ  
ପାଡେକା ଜାଣେ ଆସା ଡୟିନାୟି ଆତିହଁ କ୍ରୀସୁ ତାଣା ଆଣ୍ଡାନା  
ଡୟିନାୟି □

୧୫ ଦାମ୍ବୁ ସାସ୍ତେରିତା ରାସ୍କି ଆହାମାନେ,

“ନୀଞ୍ଜୁ ମାହାପୁରୁତି ହାଡ଼ା ଝେଟିସାରେ,  
ଏନିକିଁ କାର୍ବି କିଝିକିନି ଟାୟୁତା ଆହାମାରେ,  
ଏଲେକିହଁ ମୀ ଆକୁ ଆବାୟାଁ ଲେହେଁ ହିୟାଁତି ଆବୁଝା  
କିଆଦୁ □”

୧୬ ଆତିହଁ ଆମ୍ବାଆରି ମାହାପୁରୁତି ହାଡ଼ା ଝେଞ୍ଜାନା ଏଝାଣାଲ୍  
କାକ୍ତି କିହାମାରେରି, ମସା ତାଣାଟି ଆମିନି ଗାଟାରି ମିସର ଦେସାଟି  
ହଡ଼ା ଝାହାମାରେରି, ଏଝାରି ବାରେ ଆଏକି ?

୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାର୍ସା ପାଡେକା ଏଝାସି  
କାର୍ବି ଆହାମାରେସି, ଆମ୍ବାଆରି ପାପୁ କିହାମାରେରି, ଆମ୍ବାଆରି  
ମଡ଼ା ଲକୁ ଡୟାଆ ବାଟାତା ରିହାମାରେ, ଏଝାରି ଆଏକି ?

୧୮ ମାହାପୁରୁ ଏଟିବେଲା ପାର୍ମାଣା କିହାନା ଏଲେଇଞ୍ଜାମାରେସି,  
ଏଝାରି ଏଚେଲାଝା ମାହାପୁରୁତି ଜମିନି ତାଣା ହଡ଼ଅରି, ଏଟିବେଲା  
ଏଝାସି ଆମ୍ବାଆରି କାତା ଏଲେଇଞ୍ଜାମାରେସି ? ଆମ୍ବାଆରି  
କାତା ମାନୁଝି ଆହା ହିଲାଆଡେରି, ଏଝାରି ତାକି ଏ କାତା  
ଏଲେଇଞ୍ଜାମାରେସି □

୧୯ ଇଲେକିହଁ ନାନୁ ମେସିମାଲ୍, ଏଝାରି ନାମାଆତାକି ଏ  
ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆଡେରି □



## ୪

୧ ଏଦାଆଁତାକି ୱାଦୁ ମାରୁ ଜାଗ୍ରାତା ଆନ, ଏଚେତା ତାନି ଜଫିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଟ୍‌କା ଆନିଲେହେଁ ତଞ୍ଜା ଆହିମାନେରି □

୨ ଇଚିହିଁ ଏଞ୍ଜାରି ନକିତା ଏନିକିଁ, ମା ନକିତା ଜିକେଏ ଏଲେକିହିଁ ଏ ନେହିଁ କାରୁ ୱେପକି ଆହାମାଚେ, ସାମା ୱେନାରି ନାମୁଟି ୱେଞ୍ଜାମାନି କାତା ଆହୁଆଲିଏ, ଏଡ଼ି ଏଞ୍ଜାରି ତାକି ଲାବା ଆଆତେ □

୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି, ୱାରୁଇ ଏଞ୍ଜାରି ମାହାପୁରୁ ଆଞ୍ଜାମାନି ଜଫିନି ଦେସାତା ହାଜାଲି ଆଡ଼ିନେରି, ଏନିକିଁ ଏଞ୍ଜାସି ୱେସାମାନେସି,

“ଏଦାଆଁତାକି ନାନୁ ନା କପା ତାକି ପାରମାଣା କିତେଏଁ,

ଏଞ୍ଜାରି ମା ଜଫିନି ୱାରାତା ହଡ଼ଅରି □”

ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାଚେ □

୪ ଇଚିହିଁ ଜଫିନି ଦିନାତି କାତା ଏଞ୍ଜାସି ର ଟାମୁତା ଇଲେକିହିଁ ୱେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜଫିତେସି;”

୫ ଅଡ଼େ ଇ ବାରେ କାତା ମାହାପୁରୁ ୱେଶ୍ଚେ ଏଲେଇଞ୍ଜା ମାନେସି, “ଏଞ୍ଜାରି ମା ଜଫିନି ତାଣା ହଡ଼ାଲି ଆଡ଼ଅରି □”

୬ ଆମିନି ଗାଗାରି ମୁଲୁଏ ନେହିଁ କାରୁ ୱେଞ୍ଜାମାଚେରି, ଏଞ୍ଜାରି ମାହାପୁରୁ କାତା ମାନୁଞ୍ଜି ଆଆତାକି ଏ ଜଫିନି\* ତାଣା ହାଜାଲି ଆଡ଼ାଆତେରି, ନୀଏଁ ଏ ଜଫିନାଣି† ଏଟ୍‌କାତାରି ବେଟାଆହାମାନେରି □

୭ ଅଡ଼େ ର ଦିନା, ଇଚିହିଁ “ନୀଞ୍ଜୁ ଦିନା” ଆଚାନା, ଇଚେକା କାଲ୍ଲା ତାମୁ ଦାଞ୍ଜୁଦତି ସାସ୍ତେରିତା ଏଲେଇଞ୍ଜି ମାନେସି, ଏନିକିଁ ନକେଏ ୱେସ୍‌ପି ଆହାମାନେ,

“ନୀଞ୍ଜୁ ମାରୁ ଏଞ୍ଜାଣି ହାଡ଼ା ୱେଞ୍ଜେରି,

ଜାହାରା ହିୟାଁ ଆଟ୍‌ଞ୍ଜା କିଆଦୁ □”

\* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ

୮ ଇଚିହଁ ଜିହସୁୟ ଏଞ୍ଜରାକି ଜମାଲି ହୀତିହଁମା, ଆତିହଁମା ହାପୁରୁ ଅର ଜମିନି ଦିନାତି କାତା ଜଲ୍ଲାଆତେସିମା □

୯ ଏଲେକିହଁ ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତୀରି କିଞ୍ଜିଆହାମାନେ □

୧୦ ଇଦାଆଁତାକି ମାହାପୁରୁ ତାନି କାମାଟି ଏନିକଁ ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହଡ଼ା ମାନେସି, ଏଲେକିହଁ ଏ ଏଞ୍ଜସି ଜିକେଏ ତାନି କାମାଟି ଜମିନାଣି ମେଡ଼ିକିହା ମାନେସି □

୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକଁ ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡ଼ାନା ଡ଼ୟଅସି, ଇଦାଆଁତାକି ଆଡ଼ିନି ପାତେକା ଜାଡ଼ୁ ଆନ □

୧୨ ଇଚିହଁ ମାହାପୁରୁତି ବଲୁ ଜୀଞ୍ଜୁଗାଟାୟି ଅଡ଼େ କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି ଞ୍ଜାହୁନି କାଣ୍ଡା କିହଁ ହାରେକା ଞ୍ଜାସ୍ତାୟି, ଅଡ଼େ ହିୟାଁ ଅଡ଼େ ଜୀଞ୍ଜୁ ଇଞ୍ଜା ହାନ୍ଦୁଲି ଅଡ଼େ ତୁମ୍ବାକାତି ନିଜେଡ଼ି ପାତେକା ହଡ଼ାଲି ଆଡ଼ିନେ □ ଏ ବଲୁ ମାଣ୍ଡସିତି ଡ଼ଗୁମାନି ଅଣ୍ଡପୁତି ବାରେ ନୀହାୟି କିନାୟି □

୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡ଼ାୟି ଅଡ଼େ ପୁକ୍ଆତାୟି □

## ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁ ହାଜାମାନେସି, ଆମ୍ବାଆସି ମାହାପୁରୁ ମୀର୍ଏସି ଜୀସୁ ଏଞ୍ଜସି ମା କାଜା ପୂଜେରା ଆହାମାନାକି, ଞ୍ଜାଦୁ ମାର ମା ନାମୁତି ଜାଣ୍ଡେତଲେ ଆହୁନ □

୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏଞ୍ଜସି ଆଏ □ ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାୟିପାରି ଆହାମାରେସି, ଆତଁ ଜିକେଏ ଏଞ୍ଜସି ପାପୁ କିହାହିଲ୍ଲାଆତେସି

୧୭ ଏଦାଆଁତାକି ଖାଦୁ, କାର୍ମା ନେଡ଼ା ଆହାଲିତାକି ଅଡ଼େ, ଏ  
ବେଲାତେଏ ସାୟେମି କିନାଣି କାର୍ମାମେହନାଣି ବେଟାଆହାଲି ତାକି  
ମାର ସାସାତଲେ କାର୍ମାମେହନି ସିଂଗାସାଣି ନକିତା ହାନ □

### ୫

୧ ଇଚିହଁ ବାରେ କାଜା ପୂଜେରାଜା ଜାହାରା ଲକୁ ତାଣାଟି  
ଆର୍ଡ଼ି ଆନେରି, ଏଞ୍ଜାସି ଏଞ୍ଜାରି ଖାକିଟି ପାପୁ ମ୍ବେକ୍‌ହାଲି ପୂଜା  
ଅଡ଼େ ଦାନା ହେରପାନା ମାହାପୁରୁତି ସେବା କିନେସି □

୨ ଏଞ୍ଜାସି ବୁଦି ହିଲାଆ ଗାଟାରି ଅଡ଼େ ନାଡ଼ିକିଞ୍ଜି ଆହିମାନି ଲକୁଣି  
ଅରୁହିନାଣି ତସାଲି ଆଡ଼ିନାସି, ଇଚିହଁ ଏଞ୍ଜାସି ତାନୁଏ ଜିକେଏ  
ବାଡ଼ୁୟୁ ହିଲାଆଗାଟାସି;

୩ ଅଡ଼େ ଖାରଇ ଏଟ୍‌କା ଲକୁତି ପାପୁ ତାକି ଏଞ୍ଜାସି ପୂଜା କିହାଲି  
ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି  
ଆନେ □

୪ ଅଡ଼େ ଆମ୍ବାଆରି ଈ କାଜା ପୂଜେରା ପାଣାତି ତାମ୍ବୁ ଅହାକତାଲି  
ଆଡ଼ଅରି, ସାମା ହାରଣ ଏନିକଁ ଆର୍ଡ଼ି ଆହାମାଚେସି,  
ଏଲେକିହଁ ଏ ମାହାପୁରୁ ତାଣାଟି ଏଞ୍ଜାସି ଆର୍ଡ଼ି ଆନାୟି ମାନେ □

୫ ଏଲେକିହଁ ଏ କ୍ରୀସ୍ତ ଜିକେଏ କାଜା ପୂଜେରା ପାଣାତି  
ଗାଞ୍ଜୁରମି ତାନୁଏ ପାରା ହିଲାଆଚେସି, ସାମା ମାହାପୁରୁ ଏଞ୍ଜାଣାକି  
ଏ ଗାଞ୍ଜୁରମି ପାଣା ହାହାମାଚେସି, ଇଚିହଁ ଏଞ୍ଜାସି ଏଞ୍ଜାଣାଇଁ  
ଏଲେଇଞ୍ଜାମାଚେସି,

“ନୀନୁ ନା ମୀରଏଣାତି;

ନୀଞ୍ଜୁ ନାନୁ ନୀ ତାଞ୍ଜି ଆହାମାଇଁ □”

୬ ଏଲେକିହଁ ଏ ଅଡ଼େ ର ତାଣା ଜିକେଏ ଏଲେଇଞ୍ଜି ମାନେସି,

“ନୀନୁ ମଲ୍‌କିସେଦକ ଲେହେଁ କାଲେଏଡ଼ି ପୂଜେରା ଆଡ଼ି □”

୭ ✽ଆମ୍ବାଆସି ଏଞ୍ଜାଣାଇଁ ହାକିଟି ନୀଟ୍‌ହାଲି ଆଡ଼ିମାନେସି, ଏଞ୍ଜାସି  
ତାନି ଆଜା ତଲେ ନୀତା ମାଟାଟି, ମାହାପୁରୁ ନକିତା ହାଟ୍‌ରକା  
ଡ଼ାହି ଡ଼ାହିଁ ଅଡ଼େ କାଣ୍ଡୁତୁଲେ ପ୍ରାତାନା ଅଡ଼େ ବାଡ଼ିମାଲିହଁ

ହେଉପା ମାରେସି, ଇଞ୍ଜା ତାନୁଏ ଜାହାରାଈଁ ଉଣା କିହାକତିନାସି  
ଅଡ଼େ ତାରିତାସି ମାଚାକି ମାହାପୁରୁ ଏଞ୍ଜାଣି ରାସ୍ତାଣି ଝେରେସି,

୮ ଏଞ୍ଜାସି ମାହାପୁରୁ ମୀରଏସି ଆଡ଼ିଜିକେଏ ଦୁକୁଡ଼ି ଅରହାନା  
ମାନଞ୍ଜି ଆହାଲି ଜାପିତେସି □

୯ ଇଲେଆହୁଁ ତୀରିଆହାନା ତାନି ହୁକୁମି ମାନଞ୍ଜି ଆନାରାକି  
କାରେଲଏ ଗେଲପିନାସି ଆନେସି;

୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲକିସେଦକତି  
ମୋରାଲେହେଁ କାଜା ପୂଜେରା ଇଞ୍ଜାଁ ଅଦିକାରା ବେଟା ଆଡ଼େସି  
□

### ନାମୁ ଉଣାଆନ୍ତି କାତା

୧୧ ଜୀସୁ କ୍ରୀସ୍ତତି କାତା ମାଙ୍ଗେ ହାରେକା ଝେହନାୟି ମାନେ,  
ସାମା ମିଙ୍ଗେ ତେଲହି କିୟାଲି ହାରେକା କସ୍ତ, ଇଚିହୁଁ ମୀ ଜୀଞ୍ଜୁତା  
ଝେନାୟି ହାରେକା ଉଣା ବାଡ଼ୁୟି ମାନେ □

୧୨ ଇଚିହୁଁ ଇଚର ଦିନା ବିତ୍ତା ମୀରୁ ଜାପୁନାତେରି ଆନାୟି  
ମାଚେ, ଆଡ଼ିଜିକେଏ ମାହାପୁରୁତି ବଲୁ ଏଟକା ଲକୁ ଜାପୁହାଲି ତାକି  
ମିଙ୍ଗେ ଲଡ଼ା ଆହିମାଞ୍ଜାନେ; ଝାଜିତି ରାୟା ଲଡ଼ା କିଆନା ପାଲୁ  
ମିଙ୍ଗେତାକି ଲଡ଼ା ଆହିମାଞ୍ଜାନେ □

୧୩ ଆମ୍ବାଆସି ପାଲୁ ଗହନାସି ଏଞ୍ଜାସି ନେହାଁଣି ଲାଗେଏତି କାତା  
ପୁଞ୍ଜାଲି ଆଡ଼ଅସି, ଇଚିହୁଁ ଏଞ୍ଜାସି ଉଣା କକାସି □

୧୪ ସାମା ପାତାଆଡ଼ି ଲକୁ, ଇଚିହୁଁ ଆମ୍ବାଆରି ବୁଦିତଲେ  
ନେହାଁଣି ଲାଗେଏତାଣି ଆଚାଲି ଆଡ଼ିନେରି, ଏଞ୍ଜାରାକି ଝାଜିତି ରାୟା  
ଲଡ଼ାମାନେ □



୧ ଏଦାଆଁତାକି ଝାଦୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା,  
ତୀରିତଲେ ପାତାଆହାନା, ହାହାମାନି କାମାଟି ମନ ଝେଟହାନା,  
ମାହାପୁରୁ ତାଣା ନାମିନ,

୨ ବାପ୍ତିସ୍ମତି\* କାତା ଜାମ୍‌ନାୟି, ତାୟି ତୁ କେୟୁ ଇଚିନାଣି, ହାଡ଼ାରି କ୍ଷେଣ୍ଡେ ନିଜିନାୟି, କାଲେଏତି ଡଣ୍ଡି ପୁନାଦି କ୍ଷେଣ୍ଡେ କିନାୟିମାନେ □

୩ ନୀର୍ବ୍ୟ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ □

୪ ଆମିନି ଗାଟାରି ନାମୁତି ଉଣା କିହାମାନେରି, ଏଞ୍ଜାରି ଅଣ୍ଡାମାନା କ୍ଷେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାଚେରି, ଲାକପୁରୁ ଦାନାତି ଖାଣ୍ଡାନା, ସୁଦୁଜୀଞ୍ଜୁତା ଆଣ୍ଡାମାଚେରି,

୫ ମାହାପୁରୁତି ନେହୁ ବଲୁ ଇଞ୍ଜା ଖାହିମାନି ଜୁଗୁତି ବାଡ଼ୁୟୁତି ଡାକନାଣି ଏଞ୍ଜାରି ଖାଣ୍ଡା ମାନେରି,

୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆତିହୁ ମନତି ବାଦଲି କିଞ୍ଜିକିହାଲି ଅଡ଼େ କ୍ଷେଣ୍ଡେ ଏଞ୍ଜାଚାୟି ପୁଠନି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାମି ନାସା ଆହାଲିତାକି ମାହାପୁରୁ ମୀରଏଣାୟି ପାସି ମୁଣ୍ଡାତା ଏକ୍‌ହାନା ଲକୁ ନକିତା ଏଞ୍ଜାଣାୟି ଲାଜା କିହିମାନେରି □

୭ ଇତିହୁ ଆମିନି ବୁମି ପିୟୁ ରିନି ଏୟୁ ଗହନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନି କାମ୍ବି କିନେ, ଏ ବୁମିତି ମାହାପୁରୁ ବର ହୀନେସି □

୮ ସାମା ଏମ୍ପାଆଁ ହାପୁକା ଅଡ଼େ ଜାଡ଼ା ନେୟିନେ, ଆତିହୁ ଏଡ଼ି ଏଡ଼ି ଲାବା ଆଏ, ଏଡ଼ି ମାହାପୁରୁତି ବାକା ବେଟାଆନେ, ଅଡ଼େ ଡାୟୁ ହିରୁତା ଡ଼ାଞ୍ଜାହାନେ □

୯ ସାମା ଏ ଜୀଞ୍ଜୁତି ତାୟିୟାଁ, ମାମ୍ବୁ ଇଲେକେ କାତା କ୍ଷେସ୍ତି ଜିକେଏ ମୀ ତାଣା ମା ହାଚେକା ନାମୁ ମାନେ; ମୀରୁ ଗେଲ୍‌ପିଆହାଲି ମାହାପୁରୁତି ବର ବେଟାଆହାମାଞ୍ଜେରି □

୧୦ ଇତିହୁ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନୀର୍ବ୍ୟ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜୀଞ୍ଜୁନହୁ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲାଆଗାଟାସି ଏଞ୍ଜାସି ଆଏ □

\* ୭:୨ ୭:୨ମୁଞ୍ଜିନାୟି

୧୧ ସାମା ମାଡ଼ି ରଣ୍ଡିଏ ଅଣ୍ଠୁ, ମୀରୁ ଡାୟୁ ପାତେକା ମାଙ୍ଗେଡାକି ମୀ ଜୀଝୁନନାୟି କାରେଏ ଡୟାପେ ଆତିହ୍ ମୀ ବାରେ ଆସା ପୁରା ଆନେ □

୧୨ ଏନିକ୍ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡେ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେ ଆଦୁ □

### ମାହାପୁରୁତି ଆଞ୍ଜିନାୟି ସାତା ଆନେ

୧୩ ଇତିହ୍ ମାହାପୁରୁ ଏଚିବେଲା ଅବ୍ରାହାମଇଁ ଆଞ୍ଜାମାଚେସି, ଏଚିବେଲା ଏଞ୍ଜାସି ତାନି ଆଞ୍ଜାମାନାଣି ମାନଞ୍ଜି ଆହାଲି ପାରମାଣା କିହାମାଚେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାଚେସି,

୧୪ ଏଞ୍ଜାସି ଏଲେଇଚେସି, “ନାନୁ ନିଙ୍ଗେ ସାତେଏ ବର ହିୟାଇଁ ଅଡେ ନୀ କୁଡାତି ହାରେକା ପାଡିକିଇଁ □”

୧୫ ଅଡେ ଇଲାଆହ୍ ହାରେକା ଅରହାନା ଅବ୍ରାହାମ ଆଞ୍ଜାମାନାଣି କାଚାମାଚାକି ଏଦାଆଁ ମେଡା ଆହାମାଚେସି □

୧୬ ମାଣସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡେ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ □

୧୭ ମାହାପୁରୁ ଆମ୍ବାଆରାଇଁ ଇ ବାରେ ହୀଇଁ ଇଞ୍ଜା ଆଞ୍ଜାମାଚେସି, ଏ ଆଞ୍ଜାମାନାଣି ମାନଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାଚେସି □

୧୮ ଏନିକ୍ ଆମିନି ରୀ ବାଦଲି ଆଆଗାଟି କାତାତି ମାହାପୁରୁ ମିଚି ଝେସାଲି ଆଡ଼ଅସି, ଏଦାଣି ତଲେ ନକିତି ବାସୁତି ଆସାଲି ତାକି ବାସା ଟାୟୁତା ମାର ହଟି ମାନାୟି, ଇଞ୍ଜା ମାର ବାଡ଼ୟୁତି ରାହାଁ ବେଟାଆନାୟି □

୧୯ ଏୟୁ ଜାଜା ଦହନି ଲହ୍ ମୁଣ୍ଡାଲେହେ, ଏ ବାସୁ ମା ଜୀଝୁତି ଗେଲ୍ପି କିନାୟି ଅଡେ ଆଞ୍ଜିନାୟି, ଏଦି ମାହାପୁରୁ ଇଲୁତି ଏଡ଼କା କିନି ହିମ୍ବୁରି ଲେଟାମାନି ଟାୟୁତା ହଡାନା ଆଚ୍ଝା ଅଡେ ତୀରି ଆହାମାନେ,

୨୦ ଅଡ଼େ, ଜୀସୁ ଏ ଚାୟୁତା ମଲ୍‌କିସେଦକ ଲେହେଁ କାଲାକାଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି □



### ମଲ୍‌କିସେଦକତି ପୂଜେରା ପାଣା

୯ ଇ ମଲ୍‌କିସେଦକ ସାଲେମ ଦେସାତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୂଜେରା ମାରେସି □ ଅବ୍ରାହାମ ଅଡ଼େ ତାନି ତଡ଼ତୁରି, ସାରି ଜାଣା ରାଜାୟା ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲାତା ମଲ୍‌କିସେଦକ ଅବ୍ରାହାମଇଁ ବେଟାଆହାନା ବର ହୀତେସି;

୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାତି ଆସ୍ତିତି ଦସ ବାଗାତି ର ବାଗା ହୀହାମାରେସି □ ମଲ୍‌କିସେଦକ, ଇଚିହଁ “ଦାମୁତି ରାଜା” ଅଡ଼େ ସାଲେମତି ରାଜା, ଇଚିହଁ “ହିଡ଼ଡ଼ିତି ରାଜା □”

୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟା ଦରକା କି ଏଞ୍ଜାଣି ଜାର୍ନା ଦିନା କି ଜୀଞ୍ଜୁତି ରାତି ଦିନା ଆମ୍ବିୟାଞ୍ଜା ରାସକି ଆହାହିଲେଏ; ଏଞ୍ଜାସି ମାହାପୁରୁ ମୀରଏସି ଲେହେଁ କାଲା କାଲାକି ପୂଜେରା ଆହାମାରେସି □

୪ ଅଶ୍‌ପାରି କିଦୁ, ମଲ୍‌କିସେଦକ ଏରେକା କାଜାସି ମାରେସି, ଆକୁ ଅବ୍ରାହାମ ଜୁଜୁତା ଜୀଣାଆହାନା ତାଚାମାତି ଆସ୍ତିତି ହାରେକା ନେହଁ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହୀହାମାରେସି □

୫ ଲେବି କୁଡ଼ାତି ମୀରକା ବିତ୍ରାତି ଆମିନି ଗାଟାରି ପୂଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସ୍ରାୟେଲ ଲକୁ ତାଣାତି ଇଚିହଁ ତାମି ତାୟିୟା ତାଣାତି ଦସ ବାଗାତି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଜ୍ଜାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାତି ଦସ ବାଗାତି ର ବାଗା ଅନେରି;

୬ ମଲ୍‌କିସେଦକ ଲେବି କୁଡ଼ାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାତି ଦସ ବାଗାତି ର ବାଗା ଅଡ଼େସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି □

୭ ବର ହୀନାସି ବର ବେଟାଆନାଣି କିହ୍ନାଁ କାଜାସି, ବାରେଜାଣା  
ଇଦାଆଁ ପୁଞ୍ଜାମାଞ୍ଜେରି □

୮ ଇଲେକିହ୍ନ ହାନ୍ତି ମାଣସିୟାଁ ଦସ ବାଗାଟି ର ବାଗା  
ଅହିମାନେରି ଏଞ୍ଜାରି ଜିକେଏ ର ଦିନା ହାନ୍ତେରି, ସାମା ଏତିବେଲାତା  
ଆମ୍ବାଆସି ଅରାହାମତି ଦସ ବାଗାଟି ର ବାଗା ଅହାମାତେସି ଏଞ୍ଜାଣି  
କାତା ସାକି ହୀପୁକି ଆହିମାନେ, ଏଞ୍ଜାସି ହାହା ହିଲଅସି □

୯ ମାର ଏଲେଇଞ୍ଜାଲି ଆଡିନାୟି, ଦସ ବାଗାଟି ର ବାଗା ଅହିମାନି  
ଲେବି ତାନୁ ଜିକେଏ ଅରାହାମ ତାଣାଟି ଦସ ବାଗାଟି ର ବାଗା  
ହୀହାମାନେସି □

୧୦ ଏନାଆଁତାକି ଇଚିହ୍ନ ଅରାହାମଇଁ ମଲକିସେଦକ ଆଣ୍ଡିତାଟି  
ଲେବି ଏତିବେଲାତା ଜାନ୍ନା ଆହା ହିଲାଆତେସି ସାମା ଲେବି ଏଞ୍ଜାଣି  
ଆଜା ବିତ୍ତା ମାତେସି □

୧୧ ଇ ଲେବିୟ ଲକୁତି ପୂଜେରା ପାଣା ତଲେ ଇସାୟେଲ କୁଡାତି  
ଲକୁ ତାକି ମସାତି ମେରା ହୀପୁକି ଆହାମାତେ □ ଅଡେ ଲେବି ଲକୁତି  
କାମା ନେହ୍ନ କିହାଲି ଆଡିତିହ୍ନା, ହାରଣତି ଅଦିକାରାଗାଟି ଇ  
ଲେବି ପୂଜେରାଜା ପିସାନା ମଲକିସେଦକ ଅଦିକାରା ଲେହେଁ ଅର  
କୁଡାତି ପୂଜେରା ଲଡା ହିଲାଆତେ □

୧୨ ଇଚିହ୍ନ ପୂଜେରା ପାଣା ବାଦଲି ଆନେ, ଆଡିହ୍ନ ମସା  
ମେରା ଜିକେଏ ବାଦଲି ଆନାୟି ମାନେ □

୧୩ ଇଚିହ୍ନ ଆମ୍ବାଆରି ତାକି ଇ ବାରେ ଝେସପି ଆହାମାନେ,  
ଏଞ୍ଜାସି ଅର କୁଡାତି ଲକୁ ମାତେସି, ଆମିନି କୁଡାତାରି ଆମ୍ବାଆସି  
ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି □

୧୪ ଇଚିହ୍ନ ଇଦି ସାତା ମା ପ୍ରବୁ ଜୀହୁଦା କୁଡାଟି ଜାନ୍ନା  
ଆହାମାନେସି ଇଞ୍ଜା ମସା ଇ କୁଡାତି ପୂଜେରା ପାଣା ତାକି ଏନାଆଁ  
ଝେସାହିଲଅସି □

### ମଲକିସେଦକ ଲେହେଁ ଅଡେ ର ପୂଜେରା

୧୫ ଅଡେ ଇଦି ଇମ୍ବାଟି ଜିକେଏ ନେହ୍ନକ୍ନ ପୁନାୟି,  
ମଲକିସେଦକ ଲେହେଁ ଅଡେ ର ପୂଜେରା ହଡାମାନେସି □



୧୭ ଏଞ୍ଜେଲ୍ ଆଜ୍ଞା ତଳେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୁରୁଟି ପୂଜେରା ପାଣା ମେଡ଼ିକିଞ୍ଜି ଆହାମାନେସି □

୧୭ ଇତିହାସ ଦାମ୍ଭୁପତିତା ଏଞ୍ଜାଣି ତାକି ଇଲେକା ଦାମ୍ଭୁ ସାସ୍ତେରିତା ସାକି ହାପକି ଆହାମାନେ; “ନୀନୁ ମଲ୍‌କିସେଦକ ଲେହେଁ କାଲାକାଲାତି ପୂଜେରା ଆଦି □”

୧୮ ଇମ୍‌ଆଁ ତଲିତି ହୁକୁମି ବାଡ଼ୁରୁ ହିଲାଆଗାଟାୟି, ଉଜେଏତାୟି ଲାକା ଏଦି ମେଣ୍‌ଜା ହାଜାମାନେ □

୧୯ ଏନାଆଁତାକି ଇତିହାସ ମସାତି ମେରା ଏନାଆଁଞ୍ଜା ତୀରି କିହାଲି ଆଡାଆତେ □ ଅରୁଞ୍ଜାକି ବାରେକିହାଁ ହାରେକା ନେହାଁ ବାସୁଁ ହରାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି □

୨୦ ମା ତାକି ମାହାପୁରୁତି ପାରମାଣା ହାରେକା ମାନେ □ ହାରଣ କୁଡାତି ପୂଜେରା ପାଣାତା ଆଡ଼ି ଆଡାଟି ଇଲେତି ଏନି ପାରମାଣା ହାପକି ଆହାହିଲାଆତେ □

୨୧ ସାମା କ୍ରୀସ୍ତୁ ପୂଜେରା ଆଦି ବେଲାତା ମାହାପୁରୁ ପାରମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି,  
“ପ୍ରବୁ ର ପାରମାଣା କିହାମାନେସି,  
ଏଞ୍ଜାସି ତାନି ଅଶ୍‌ପୁତି ବାଦ୍‌ଲି କିଅସି,  
ନୀନୁ କାଲାକାଲାତି ପୂଜେରା ଆଦି □”

୨୨ ପ୍ରବୁ ଇଲେକା ପାରମାଣା କିହାମାନାକି ଜୀସୁ ଅଡ଼େ ର ହାରେକା ନେହାଁ ରାଜିମାନା କିନାସି ଆହାମାନେସି □

୨୩ ପ୍ଲାଞ୍ଜ ତାଣା ଜିକେଏ ଏଟ୍‌କା ପୂଜେରାଜ୍ଞା ହାନାରି ଆହାମାନାକି ଏଞ୍ଜାରି ହାଡ଼ି ତାନ୍ତୁ ଏଟ୍‌କାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଞ୍ଜାରି ହାରେକା □

୨୪ ସାମା ଜୀସୁ କାଲାକାଲା ନୀତାମାନାକି, ଏଚେଲାଞ୍ଜା ବାଦ୍‌ଲି ଆଆ ପୂଜେରା ପାଣା ବେଟାଆହାମାନେସି □

୨୫ ଏଦାଆଁତାକି ଏଞ୍ଜାଣି ତାଣାଟି ଆନିନି ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏଁ ଅଡ଼େ କାଲେଏ ଗେଲ୍‌ପାଲି ଆଡ଼ିମାନେସି, ଏନାଆଁତାକି ଇତିହାସ ଏଞ୍ଜାରି ତାକି

ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲେଏ ନୀତାମାନେସି  
□

୨୭ ଏନାଆଁତାକି ଇଚିହ୍ନି ଇଲେତି କାଜା ପୂଜେରା ମା ତାକି  
ନେହ୍ନସି, ଆମ୍ବାଆସି ସୁଦୁଗାଟାସି, ଦହ୍ ହିଲାଆଗାଟାସି, ଲାଗେଏତି  
ସିନା ହିଲାଆଗାଟାସି ପାପୁ ଗାଟାରି ତାଣାଟି ଏଟ୍‌କା ଆହାମାନାସି,  
ଲାକପୁରୁ ଅଞ୍ଜିଆଡେସି □

୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ  
ତାକି ଅଡେ ଡାମ୍ବୁ ଲକୁତାକି ବାରେଦିନା ପୂଜା ହୀହାଲି ଲଡ଼ା  
ହିଲେଏ, ଇଚିହ୍ନି ତାଜେ ପୂଜା ହୀତାକି ଏଞ୍ଜାସି ରଣ୍ଡିଏ ପାଲି  
ଇଦାଆଁ କିହାମାନେସି □

୨୮ ଏନାଆଁତାକି ଇଚିହ୍ନି ମସାତି ମେରା ବାଡ଼ୁଲୁ ହିଲାଆଗାଟି  
ମାଣ୍ଡିଇଁ କାଜା ପୂଜେରା ପାଣାତା ଆଡିନେ, ସାମା ଆମିନି  
ପାରମାଣାତି ବଲୁ ମସାତି ମେରା ଜେଟ ଆହାମାରେ, ଏଡି  
କାଲାକାଲା ତାକି ତାରିଗାଟି ମୀର୍‌ଏଣାଇଁ ଆଡିମାନେ □

## ୮

### ଜୀସୁ ମା କାଜା ପୂଜେରା

୧ ମାମ୍ବୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି,  
ମାଜେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି  
ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଃନି ଚଟତା  
କୁଗାମାନେସି □

୨ ଏଞ୍ଜାସି ବାରେତି କିହ୍ନା ସୁଦୁ ଚାନ୍ଦୁତା ଇଞ୍ଜା ଆମିନି ସାତା ତୁମ୍ବୁ  
ଇଲୁ ମାଣ୍ଡି କେୟୁଟି କେପି ଆଆନା ପ୍ରୁ ତାଣାଟି ତାରି ଆହାମାନେ  
ଏମ୍ବାତି ସେବା କାମା କିନେସି □

୩ ଇଚିହ୍ନି ବାରେ କାଜା ପୂଜେରାଜା ଦାନା ଅଡେ ଜନ୍ତୁତି  
ଡାକାହାଁ ପୂଜା କିହାଲି ଆଡ଼ଞ୍ଜି ଆହାମାନେରି, ଇଦାଆଁତାକି ଇ କାଜା  
ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ □

୪ ଜୀସୁ କ୍ରୀସୁ ଦାର୍‌ତିତା ମାତିହ୍ନି ମା, ପୂଜେରା ଜିକେଏ ଆୟାଲି  
ଆଡ଼ାଆଡେସିମା, ଏନାଆଁତାକି ଇଚିହ୍ନି ଜୀହୁଦି ଲକୁତି ମେରା  
ଲେହେଁ ଦାନା ହେରପିନେରି ଇଲେତି ପୂଜେରାଜା ଏମ୍ବାଆଁ ମାନେରି;

\* ପୂଜେରାଜ୍ୟ ଆତ୍ମାଆରି ସେବା କିନେରି, ଏହି ଲାକପୂରୁତି କାତା ପୁଣ୍ୟକିନିଲେହେତି ସାୟୁଁ ସମାନା, ମସା ଏତିବେଲା ପୂଜା କିହାଲିତାକି ର ତୁମୁ କେପିନି ବେଲାତା ଏଞ୍ଜାଣାକ୍ ମାହାପୂରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଞ୍ଜେ ଆମିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହୁଁ ଏ ବାରେ କେପାମୁ □”

୨ ସାମା ନୀର୍ବ୍ୟ ଜୀୟୁକି ଆମିନି ପୂଜେରା କାମା ହୀପ୍‌କି ଆହାମାନେ, ଏହି ଏଟ୍‌କାତି ପୂଜେରାଜ୍ୟ କାମା କିହାଁ କାଜାୟି □ ଏଲେକିହୁଁ ଏ ମାହାପୂରୁ ଅଡେ ମାଣ୍‌ସିୟାଁ ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏହି କାଜାୟି, ଇତିହୁଁ ଇ ମେରାତା ହାରେକା କାଜା କାତା ହାହାଲି ଆଞ୍ଜାମାନାୟି ମାନେ □

୩ ଇତିହୁଁ ତଲିତି ରାଜିମାନା ଏହି ଦହ ହିଲାଆତିହୁଁ ମା, ତାୟୁ ଅଡେ ଅର ରାଜିମାନା ଲଡା ଆଆଡେମା □

୪ ସାମା ମାହାପୂରୁ ତାନି ଲକୁଇଁ ଦହ ଦସାନା ଏଞ୍ଜାରାକ୍ ଏଲେଇଞ୍ଜି ମାନେସି,

“ପ୍ରବୁ ଏଲେଇଞ୍ଜି ମାନେସି, ମେହୁବୁ ର ଦିନା ଖାହିମାନେ,

ଏତିବେଲା ନାନୁ ଇସାୟେଲ କୂଡା ଅଡେ ଜାହୁଦା କୂଡା ତଲେ ର ପୁଃନି ରାଜିମାନା ତୀରି କିଇଁ;

୫ ଆମିନି କାଲ୍‌ତା ନାନୁ ଏଞ୍ଜାରି ଆକୁୟାଁଣି କେସ୍‌ସା ଆସାନା ମିସର ଦେସାଟି ହପୁହା ତାଚାମାଚେସି,

ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା କିହାମାଚେସି, ଇ ରାଜିମାନା ଏଲେକିହୁଁ ଆଏ;

ଇଞ୍ଜା ଏଞ୍ଜାରି ନା ରାଜିମାନାତା ତୀରି ଆହୁଁ ମାନାଆଡେରି,

ଇଞ୍ଜା ନାନୁ ଏଞ୍ଜାରାକ୍ ମନ ହୀଆଡେସି, ପ୍ରବୁ ଇ କାତା ଏଲେ ଇଞ୍ଜିମାନେସି □

୧୦ ପ୍ରବୁ ଏଲେଇଞ୍ଜି ମାନେସି,

ତାୟୁ ନାନୁ ଇସାୟେଲ କୂଡା ତଲେ ଇ ରାଜିମାନା କିଇଁ, ଏହି ଇଦି,

ନାନୁ ଏଞ୍ଜାରି ମନତା ନା ମେରା ହୀଇଁ,

ଏଞ୍ଜାରି ହିୟାତା ଏ ବାରେ ରାଟିଇଁ,

ଅଡେ ଏଞ୍ଜାରି ମାହାପୂରୁ ନାନୁ ଆଇଁ,

- ଅଡ଼େ ଏଞ୍ଜାରି ନା ଲକ୍ଷ୍ମ ଆନେରି □
- ୧୧ ମାହାପୁରୁଙ୍କ ପୁଞ୍ଜୁ ଇଞ୍ଜୁ ଏଞ୍ଜାରି ବିଦ୍ରାଟି ରଅସିଞ୍ଜା ତାମି କୃତାତି  
ଗାଡ଼ାତାରାଇଁ ଖେହୁଅସି,  
ଇଞ୍ଜା ତାମି ତାୟିୟାଁଇଁ କି ପାଡ଼ିତାରାଇଁ ଜାପୁଅରି,  
ଏନାଆଁତାକି ଇଚିହୁଁ ଉଣାଟିଏ କାଜାରି ପାତେକା ଏଞ୍ଜାରି  
ବାରେଜାଣା ନାଜେ ପୁଞ୍ଜାମାନେରି □
- ୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ମେକ୍‌ଇଁ,  
ଅଡ଼େ ଏଞ୍ଜାରି ଲାଗେଏ କିନାଣି ଏଚେଲ୍‌ଆଞ୍ଜା ଅଣ୍‌ପଅଁ □”
- ୧୩ ମାହାପୁରୁ ର ପୁଞ୍ଜି ରାଜିମାନା କିତାକି ତଲିତି ରାଜିମାନାଇଁ  
ପୁଞ୍ଜଇ ରାଜିମାନା କିହାମାନେସି; ଇଞ୍ଜା ଅଡ଼େ ଆମିନି ପୁଞ୍ଜାୟି ଲଡ଼ା  
ହୀଆଗାଗାୟି ଆହାମାନେ, ଏଡ଼ି ଗାଡ଼େକେଏ ମେଣ୍‌ଜିନେ □



### ଦାରତି ଅଡ଼େ ଲାକପୁରୁତି ପ୍ରାଡ଼ାନା

- ୧ ସାତେଏ ଏ ତଲିତି ରାଜିମାନା ଜିକେଏ ପ୍ରାଡ଼ାନା କିନି ମେରା  
ଅଡ଼େ ର ଦାରତିତି ସୁଦୁ ଟାୟୁ କିଞ୍ଜି ଆହାମାଚେ □
- ୨ ଏଡ଼ି ର ତୁମ୍ମୁ ତଲେ କେପିତି ଇଲ୍ଲୁ ଆହାମାଚେ, ଏମ୍ମାତି ତଲିତି  
ବାକ୍ତା ଇଞ୍ଜୁଁ ଇନେରି ଏମ୍ମାଆଁ ର ଦୀଞ୍ଜି ସଡ଼ା, ର ପିଣ୍ଡା ଅଡ଼େ  
ମାହାପୁରୁକି ହେରପାମାନି ରୁଟି ମାଚେ, ଏଦାନି ସୁଦୁ ଟାୟୁ ଇନେରି  
□
- ୩ ଏମ୍ମାଆଁ ଲେଟାମାଟି ରୀ ଟାଟିନି ହିମ୍ପରିକା ତାୟୁଞ୍ଜାକି ଆମିନି ତୁମ୍ମୁ  
ମାଚେ, ଏଦାଆଁ ହାଡ଼େକା ସୁଦୁ ବାକ୍ତା ଇଞ୍ଜୁଁ ଇନେରି;
- ୪ ଏମ୍ମାଆଁ ବାଂଗାରା ତଲେ ଖାରି କିହାମାଟି ଦୁପ୍‌ଣି ହୃତିନି ର ପିଣ୍ଡା  
ଅଡ଼େ ବାଂଗାରା ତଲେ ଖାରି କିହାମାଟି ରାଜିମାନା ପେଡ଼ା ମାଚେ  
□ ଏ ରାଜିମାନା ପେଡ଼ାତା ମାନା ଇଚ୍‌କି ଆହାମାଟି ର ବାଂଗାରା  
ମୁତା ଅଡ଼େ ହାରଣାୟି ଆକୁ ଗାଲ୍‌ହାମାଟି ବାଡ଼ଗା ଇଞ୍ଜା ରାଜିମାନା  
ରାସ୍‌କି ଆହାମାଟି ରୀ ଖାଲି ପାଟାୟାଁ ମାଚୁ,
- ୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି ଲେହେଁ  
ଗାଞ୍ଜୁରମିଗାଟି ଜଡ଼େକା କିରୁବ ଦୁତୁୟାଁତି ବମା ମାଚୁ, ଏଞ୍ଜି ପାପୁ  
ମେଣ୍‌ଜି କିନି ଟାୟୁତି ପିକ୍‌ହାମାଚୁ; ଏଞ୍ଜି ପାପୁ ମ୍ମେକ୍‌ନି ଟାୟୁ

ଲୀକ ମାରାୟା ପୁକ୍ତହାମାରୁ, ଏ ବାରେଡି କାତା ନୀର୍ବ ନେହୁଁ କୁଁ  
ଝେସାଲି ଲଡ଼ା ହିଲେଏ □

୬ ଏମ୍ପାଆଁ ଇଲେଡି ମେରା ମାନେ; ପୂଜେରାଜ୍ଞା ଦିନାତାକି ଦିନା  
ତୁମୁତି ତଲିତି ବାକ୍ରା ବିତ୍ରା ତାନି ସେବା କାମା କିନେରି,

୭ ସାମା ତାୟୁତି ବିତ୍ରା ବାକ୍ରାତା ଝାରଇ କାଜା ପୂଜେରା ବାର୍ଯ୍ୟା  
ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକୁତି ପୁନାଆତି  
ପାପୁ ତାକି ମାହାପୁରୁକି ପୂଜା ହେରପାଲି ଏଝାସି ନେତେରି ଅହାନା  
ହାରେକା ସୁଦୁ ଟାୟୁତା ହଡ଼ନେସି □

୮ ଇଦାଆଁତାକି ସୁଦୁଜୀଝୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ  
ତୁମୁ ମାନି ପାତେକା ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହା  
ହିଲେଏ □

୯ ଇ ତଲିତି ବାକ୍ରା ନୀର୍ବ କାଲା ତାକି ପୁଣ୍ଡି କିଝିକିନି ସିନା, ଅଡ଼େ  
ଏଲେକିହୁଁ ଏ ଦାନା ଅଡ଼େ ପୂଜା ଇ ବାରେ ହୀପକିଆନେ, ସାମା ଇ  
ବାରେ ସେବା କିନାରାଇଁ ନେହୁଁ ଅଣପୁତି ଦାନା ହୀହାଲି ଆଡ଼େଏ;

୧୦ ଇତିହୁଁ ଏ ବାରେ ଝାରଇ ତିନାଣି ଉନାଣି ଅଡ଼େ ଅଟହାଲି  
ଆଜ୍ଞା ତାକି କିନି କାମାୟାଁ ସାମା ମାହାପୁରୁତି ପୁଝିନି ମେରା ଆନି  
ପାତେକା ଇଦି ବାରେ ଲଡ଼ାଗାଟାୟି ଆହାମାଟେ □

୧୧ ସାମା କ୍ରୀସୁ ନୀର୍ବ ନେହୁଁ କାମାତି କାଜା ପୂଜେରା ସମାନା  
ଆହାନା ଝାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଝାସି ତାନି  
ସେବା କାମା କିହାମାନେସି, ଇ ଇଲୁ ଦାରତିତା ମାନି ତୁମୁ  
ଇଲୁ କିହାଁ ହାରେକା କାଜାୟି ଅଡ଼େ ନେହାୟି, ଏଦି ମାଣ୍ଡିସି  
କେୟୁତଲେ କେପାଆତି ତୁମୁ ଇଲୁ, ଏଦି ତଞ୍ଜାଆହାମାନି ଦାରତି  
ବିତ୍ରା ହିଲାଆଡେ □

୧୨ କ୍ରୀସୁ ଗରି କି ବାଟା କଡ଼ି ନେତେରି ତଲେ ଆଏ, ସାମା  
ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଟାୟୁତା ହଡ଼ାନା  
କାଲାକାଲାତାକି ଗେଲପି ଆନାଣି କିହାମାନେସି □

୧୩ ଆମ୍ପାଆରି ପାଣାପାଟୁ ମାନୁଝି ଆଆନା ପାପୁ କିନେରି,  
ଏଝାରି ପଲୁଆ ଗାଟାରି ଲୀକ ଗରି ଅଡ଼େ ବାଟା କଡ଼ିତି ନେତେରି  
ଡ଼ାଞ୍ଜାନା ହୁଡିତି ଦାରମୁ ତଲେ ଏଝାରି ଆଜ୍ଞାତି ବାରେ ପାପୁ ସୁଦୁ  
କିହିମାଟେରି,

୧୪ ଇଦି ସାତା ଆହାମାନେ, ଇଚିହ୍ନ କ୍ରୀସ୍ତତି ନେତେରି ସାତା ଆଏ, କି କାଲେଏତି ଜୀସ୍ତୁତି ସାୟେମି ତଲେ ଏଞ୍ଜାସି ଜାହାରାକ୍ ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେବପିତେସି, ତାନି ନେତେରି ଏଚେକା ଗାତି ନୀତାମାନି ମାହାପୁରୁକ୍ ସେବା କିହାଲି, ହାଞ୍ଜି କିନି କାମାଟି ମା ଜୀସ୍ତୁତି ଅଣପୁତି ସୁଦୁ କିନେ □

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକ୍ ମୁଲୁ ରାଜିମାନାତି ପାପୁ ମେକ୍‌ହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲ୍‌କାଲ୍‌ତି ଅଦିକାରା ଆହାଲି ଆଞ୍ଜାମାନି ଗେଲ୍‌ପି ଆନାଣି ବେଟାଆନେରି □

୧୬ ଇଚିହ୍ନ ରାଜିମାନା କିଞ୍ଜି ଆହାମାଟି ରାଜିମାନା ଆହାମାନି ମାଣସିତି ହାନି ପାରମାଣା ଲଡ଼ାମାନେ □

୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁୟୁ ଆନେ, ଇଚିହ୍ନ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଝାଏ □

୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ □

୧୯ ତଲିଏ ମସା ମୋରାତି ହୁକୁମି ଲକୁତାଣା ଝେକ୍‌ହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟ୍‌ହାନା ଏସବ ଜାଡ଼ାତି ଆକା ଅଡ଼େ ନେତେରି ଝାଣାଗାଟି ମୋଣ୍ଡା ବାଣାୟା ତଲେ ମୋରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି □

୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନଞ୍ଜି ଆହାଲି ମାହାପୁରୁ ମିକ୍‌କେ ହୁକୁମି ହୀହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ □”

୨୧ ଅଡ଼େ ଜିକେଏ ଏଲେକିହ୍ନ ଏଞ୍ଜାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍‌ସୁ ଲାକ ଜିକେଏ ନେତେରି ଡ଼ାଞ୍ଜିତେସି □

୨୨ ସାତେଏ ମସାତି ମୋରା ତଲେ ବାରେ ନେତେରି ତଲେ ଅଟ୍‌ହି କିଞ୍ଜିଆନେ, ଅଡ଼େ ନେତେରି ଝାକ୍‌ଆନା ପାପୁ ମୋଣ୍‌କେଏ □

କ୍ରୀସ୍ତତି ହାକିଟି ପାପୁ ମୋଣ୍‌କିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍‌ସୁ ପୁଣ୍ଡିକିନିଲେହେଁ ପୂଜା ତଲେ ଅର୍ଘ୍ତ ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶ୍‌ସୁ ଇ କାଜା ପୂଜା ତଲେ ଅର୍ଘ୍ନାୟି ମାନେ □

୨୪ ଏନାୟି ମାଣ୍‌ସିୟାଁ କେୟୁଟି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ବାଆଁ ଏଞ୍ଜାସି ମା ଝାକିଟି ନୀର୍ବଁ ମାହାପୁରୁ ନକିତା ମାନେସି □

୨୫ ଜୀହୁଦିୟାଁ କାଜା ପୂଜେରାଜା ଏନିକ୍‌ ବାର୍ସା ତାକି ବାର୍ସା ଏଟ୍‌କା ଲକ୍‌ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହତ୍‌ନେରି, ଏଲେକିହ୍‌ ଏ କ୍ରୀସ୍ତ ଅଲେ ଅଲେ ତାଜେ ପୂଜା କିହାଲି ଏଦି ଏମ୍ବାଆଁ ହାଜାହିଲଅସି □

୨୬ ଆତିହ୍‌ ଦାର୍‌ତି ଗାଡ଼ିଆଡ଼ି ବେଲ୍‌ଟିଏ ଅଲେ ଅଲେ ତାଜେ ହାହାଲି ଆଡେମା; ସାମା ନୀର୍ବଁ ଏଞ୍ଜାସି ଜୁଗୁ ରାନ୍‌ି ବେଲ୍‌ତା ତାନ୍‌ଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି □

୨୭ ବାରେ ଲକ୍‌ତାକି ଏନିକ୍‌ ରଣ୍ଡିଏ ଦେବା ହାନାୟି, ଅଡେ ଏଦାନି ତାୟୁ ନୀହାୟି ମାନେ □

୨୮ ଏଲେକିହ୍‌ ଏ କ୍ରୀସ୍ତ ଜିକେଏ ହାରେକା ଲକ୍‌ତି ପାପୁ ଡେକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡେ ଝେଣ୍ଡେ ପାପୁ ତାକି ଆଏ, ସାମା ଆମିନି ଗାଟାରି ଏଞ୍ଜାଶାକ୍ କାଟାମାନେରି, ଏଞ୍ଜାରାକ୍ ଗେଲ୍‌ପାଲିତାକି ତଞ୍ଜାଆନେସି □

## ୧୦

୧ ଇତିହ୍‌ ମସାତି ମେରା ଝାହିମାନି ଦିନାତି ନେହ୍‌ ସାୟ୍‌ଲେହେଁ ଆହାନା ଏ ବାରେତି ଝାଶା ଆଆତାକି ପୂଜେରାଜା ବାର୍ସା ତାକି ବାର୍ସା ଏ ରଣ୍ଡିଏ ରଲେତି ପୂଜା କିହିମାନାକି ପ୍ରାଡାନା କିନାରାକ୍ ଏତେଲାଞ୍ଜା ତୀରି କିହାଲି ଆଡ଼ଅରି □

୨ ଏଲେକିହ୍‌ ମାହାପୁରୁତି ସେବା କିନାରି ସାତେଏ ପାପୁଟି ନର୍ଝି ଆଡ଼ିହ୍‌ମା, ଆଡ଼ିହ୍‌ ଏଞ୍ଜାରି ଅଡେ ଜାହାରାକ୍ ପାପୁ

ଗାଗାତମି ଇଞ୍ଜି ଅଣ୍ଠାଆତେରିମା, ଅଡ଼େ ବାରେ ପୂଜା କିନାୟି  
ତୁଞ୍ଜିତେମା □

୩ ସାମା ଏଲେକି ଆଆନା ବାର୍ସା ତାକି ବାର୍ସା ପୂଜା କିହିମାନାକି  
ମାଣସିକ୍ ତାନି ପାପୁତି ଅଣ୍ଠପି କିଞ୍ଜିଆହିମାନେ □

୪ ଇଚିହି ବାଚା କଡ଼ିତି ନେତେରି ଆପେ କି ଗରିତି ନେତେରି  
ଆପେ ଏଡ଼ି ଏଚେଲାଞ୍ଜା ମା ପାପୁ ମ୍ନେକ୍‌ହାଲି ଆଡ଼େଏ □

୫ କ୍ରୀସ୍ତ ଦାରତିତା ଝାହାନା ଏଲେଇଞ୍ଜାମାଚେସି,  
“ନାନୁ ପୂଜା ଅଡ଼େ ଦାନା ହାନାଣି ରାହାଁ ଆଆତି,  
ସାମା ନାନୁ ନାଞ୍ଜେତାକି ର ଆଙ୍ଗା କେପିତି;

୬ ପାପୁତି ମ୍ନେକ୍‌ହାଲି ନାନୁ ହିରୁତା ହୂଡିନି ପୂଜା ଅଡ଼େ ଜନ୍ତୁ ଡାକିନାଣି  
ରାହାଁ ଆଆତି □

୭ ଏଚିବେଲା ନାନୁ ଏଲେଇଚେସି, ମାହାପୁରୁ, ନାନୁ ଇମ୍ପାଆଁ ମାଈ,  
ନୀ ଅଣ୍ଠପୁତି କାମା କିହାଲି,  
ଏନିକିହି ସାସ୍ତେରିତା ନା କାତା ରାସ୍‌କି ଆହାମାନେ □”

୮ ଏଞ୍ଜାସି ତଲିଏ ଝେସ୍ତେସି, “ନାନୁ ମାଣସିତି ପାପୁ ମ୍ନେକ୍‌ହାଲି  
ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୂଡିନାଣି ଅପିହିଲଅତି;  
ଏ ବାରେ ନିଞ୍ଜେ ରାହାଁ କିୟାଲି ଆଡ଼େଏ □” ଈ ବାରେ ପୂଜା  
ମେରାଲେହେଁ କିଞ୍ଜି ଆହାମାତି ଜିକେଏ,

୯ ଅଡ଼େ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍‌ମ୍, ନାନୁ  
ନୀ ମନଲେହେଁ କାମା କିହାଲି ଝାହାମାଈ” ଏଦାଆଁତାକି ମାହାପୁରୁ  
ଈ ବାରେ ପୂଜା ଅପାଆନା, ଏଦାଣି ପିସାନା କ୍ରୀସ୍ତତି ପୂଜା ଅପିତେସି  
□

୧୦ ଜୀସ୍ତୁ କ୍ରୀସ୍ତ ରଣ୍ଡିଏ ଦେବା କାଲାକାଲାତାକି ତାନି ଆଙ୍ଗାତି  
ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ  
ପୂଜାଟି, ମାର ବାରେ ଜାଣାତାୟି ପାପୁତି ଗେଲ୍‌ପି ଆହାନା ସୁଦୁ  
ଗାଗାତାୟି ଆହାମାନାୟି □

୧୧ ଅଡ଼େ ଜିକେଏ ବାରେ ଜୀହୁଦି ପୂଜେରାଙ୍ଗା ବାରେଦିନା ସେବା  
କାମା କିହାଲି ଅଲେ ଅଲେ ରଲେଏଡ଼ି ପୂଜା ହାହାଲି ନିନେରି; ଈ  
ବାରେ ଏଚେଲା ପାପୁ ମ୍ନେକ୍‌ହାଲି ଆଡ଼େଏ □



୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା ତାଙ୍ଗେ ପୂଜା ଅହାଲି ହେରପାକଡିତି ତାମ୍ଭୁ କାଲେଏତାକି ମାହାପୁରୁ ଚିଃନି ଚଟତା କୁଗିତେସି;

୧୩ ମାହାପୁରୁ ତାନି ସାତୁୟାଁଇଁ ଏଞ୍ଜାଣି କତାୟାଁ ଡ଼ଇ ଇଟାଆ ପାତେକା ଏଞ୍ଜାସି ଏମ୍ପାଆଁ କାଟିମାନେସି □

୧୪ ଇଚିହିଁଁ ୱାଉରଇ ରଣ୍ଡିଏ ପୂଜା ହୀତି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତୀରି କିହାମାନେସି □

୧୫ ସୁଦୁଜୀଞ୍ଜୁ ଜିକେଏ ମାଙ୍ଗେ ସାକି ହୀହାନା ୱେସିମାଞ୍ଜାନେ □

୧୬ ଇଚିହିଁଁଁ ପ୍ରବୁ ଇ କାତା ଏଲେଇଞ୍ଜି ମାନେସି,

“ଏ ୱାନ୍ତି ଦିନା ନାନୁ ଏଞ୍ଜାରିତଲେ ଆମିନି ପୁଃନି ରାଜିମାନା କିଇଁ,

ଏଦି ଇଦି, ନାନୁ ଏଞ୍ଜାରି ହିୟାଁତା ମସାତି ମେରା ହୀଇଁ,

ଇଞ୍ଜା ଏଞ୍ଜାରି ମନତା ଏ ବାରେ ରାଟିଇଁ □”

୧୭ ଅଡେ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡେ ଲାଗେଏତି କାମାୟାଁ ଏଚେଲାଞ୍ଜା ୱେଣ୍ଡେ ଅଣପଅଁ □”

୧୮ ଇଦାଆଁତାକି ବାରେ ପାପୁ ଦହ ମେଣ୍ଡିଞ୍ଜିସାରେ ଅଡେ ଏଚେଲାଞ୍ଜା ପୂଜା ହୀହାଲି ଲଡ଼ା ଆଏ □

### ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଙ୍ଗିସ୍ମା, ଜୀସୁ ହାହାମାନାକି ମାର ସୁଦୁ ଟାମୁତା ହଡାଲି କାଜା ଅଦିକାରା ବେଟା ଆହାମାନାୟି,

୨୦ ଏଞ୍ଜାସି ଲେଟାମାନି ତାନି ଆଙ୍ଗା ଲେହେଁତି ଟାଟିନି ହିମ୍ବୁରି ତଲେ ମାଙ୍ଗେତାକି ର ପୁଃନି ଇଞ୍ଜା ନୀଡିନି ଜିରୁ ଦେଟାମାନେସି □

୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ,

୨୨ ଏଦାଆଁତାକି ୱାଦୁ, ମାର ସୁଦୁ ହିୟାଁ ଅଡେ ଆବଞ୍ଜା ନାମୁଟି ମାହାପୁରୁ ନକିତା ହାନ; ଇଚିହିଁଁଁ ମାର ନୀଏଁ ପାପୁ ଅଣ୍ଡପୁଟି ଅବଞ୍ଜି ଆହାମାନାୟି ଅଡେ ମା ଆଙ୍ଗା କ୍ରୀସ୍ତୁଟି ନେତେରି ତଲେ ନରଞ୍ଜି ଆହାମାନେ □

୨୩ ମାର ଝେକହାମାନି ଆସା ବାର୍ସୁତି ବାଡ଼ୁୟ ତଲେ ଆହନ, ଏନାଆଁତାକି ଇଚିହ୍ମ ମାହାପୁରୁ ଆଞ୍ଜାମାନେସି, ଏଞ୍ଜାସି ଚିକାଣାତସି;

୨୪ ଅଡ଼େ ଜୀଝୁ ନଞ୍ଜି ଆହାଲି ଇଞ୍ଜା ନେହ୍ମ କାମା କିଞ୍ଜି କିହାଲିତାକି ରଅତାୟି ରଅଣାଇଁ ସାୟେମି କିହାଲି ମନୁ ହାନ,

୨୫ ଅଡ଼େ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକ୍ମ କିଆପ; ସାମା ରଅତାୟି ରଅଣାଇଁ ବାର୍ସୁ ହୀଞ୍ଜିଆନ, ଏନାଆଁତାକି ଇଚିହ୍ମ ପ୍ରବୁ ଝାନି ଦିନା ତାଗେ ଝାହିମାନେ ଇଞ୍ଜା ମେସିମାନାୟି □

୨୬ ମା ନକିତା ସାତା ତଞ୍ଜା ଆଡ଼ି କ୍ରେତ ମାର ପୁଞ୍ଜି ପୁଞ୍ଜିହ୍ମ ପାପୁ କିହିମାନାୟି, ଆଡ଼ିହ୍ମ ଏନି ପୂଜା ପାପୁଚି ଗେଲ୍ପାଲି ଆଡ଼େଏ,

୨୭ ଆଡ଼ିହ୍ମ ମାର ଝାହିମାନି କାଜା ନୀହାୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସ୍ପେ ମାଡ଼ି ଅଡ଼େ ଏଟକା ଏନି ତଣ୍ଡ ହିଲେଏ □

୨୮ ଆମ୍ବାଆସି ମସା ମେରାତି ମାନୁଞ୍ଜି ଆଆସାରେ, ଏଞ୍ଜାସି କାର୍ମା ମେସ୍ପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜା ପୁଞ୍ଜାନା, ଏଞ୍ଜାଣାଇଁ କାର୍ମା ମେହ୍ଆନା ହାନି ତଣ୍ଡ ହୀଞ୍ଜିଆନେ □

୨୯ ଇଞ୍ଜା ଅଣ୍ପାଦୁ ଆମ୍ବାଆସି ମାହାପୁରୁ ମାରଏଣାଇଁ କଡ଼ାଁ ତୁଇ ଝିସାମାନେସି, ପୁଞ୍ଜି ରାଜିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାଚେସି, ଏଞ୍ଜାଣାଇଁ ଡ଼ଣା ଇଞ୍ଜା ଅଣ୍ପାମାନେସି ଅଡ଼େ କାର୍ମା ହାନି ଜୀଝୁତି ଅପାହିଲଅସି, ଏଞ୍ଜାସି ଏଚେକା ହାରେଏ ତଣ୍ଡ ବେଟାଆଅସି □

୩୦ ଇଚିହ୍ମ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡ଼େୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡ଼େ ଜିକେଏ “ପ୍ରବୁ ତାନି ଲକୁଇଁ ନୀହାୟି କିନେସି □”

୩୧ ନୀତାମାନି ମାହାପୁରୁ କେୟୁତା ହେରୁଞ୍ଜିନାୟି ଏଡ଼ି ହାରେକା ଆଜିହ୍ପେତାୟି □

୩୨ ସାମା ଉଜେଡ଼ି ମେସି ତାୟୁ ଏଚିବେଲାତା ମୀରୁ ହାରେକା

ଦୁକୁ କସ୍ତ ବେଟାଆହାନା ହାରଞ୍ଜି ଆହାହିଲଅତେରି, ମୀରୁ ଏ ତଲି କାଲ୍ଲାତି ଅଣ୍ଟାଦୁ; ସାମା ମୀରୁ ଏଚେଲାଞ୍ଜା ହାରଞ୍ଜି ଆହା ହୀଲଅତେରି □

୩୩ ରକଞ୍ଜାକି ଅପାଆ ଗାଟାତେରି ଅଡ଼େ କସ୍ତତା ଲାଜା କିଞ୍ଜିଆହିମାଚେରି, ଅରଞ୍ଜାକି ଏଲେକିହିଁଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଟିମାଚେରି □

୩୪ ଇଚିହିଁ ମୀରୁ କାୟିଦି ଗାଟାରି ତଲେ ଆଣ୍ଟାନା ଦୁକୁ ବେଟା ଆହାମାଚେରି, ଅଡ଼େ ମିଙ୍ଗେ ମୀ ହାଚ୍ଚେରକା ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାତଲେ ମୀ ଦନ ମାଣ୍ଟା ଅନାଣି ମୀରୁ ଅରହିମାଚେରି □

୩୫ ଇଦାଆଁତାକି ମୀରୁ, ମୀ ସାସା ପିହିଆଦୁ ଇଚିହିଁ ଏମ୍ବାଟି ହାଚ୍ଚେରକା ଦାନା ମାନେ □

୩୬ ମାହାପୁରୁତି ଅଣ୍ଟା ପୁରା କିହାନା ଏଞ୍ଜାସି ଆଞ୍ଜାମାନାଣି ବେଟାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ଡ଼ୟାଦୁ □

୩୭ ଇଚିହିଁ ଦାମ୍ବୁପତିତା ରାସ୍ତକି ଆହାମାନେ,

“ଇଚିହିଁ ହାଚ୍ଚେରକା ଡ଼ଣା ବେଲା ମାନେ,  
ଆମ୍ବାଆସି ଖାନାୟି ମାନେ, ଏଞ୍ଜାସି ଖାନେସି;  
ଅଡ଼େ ଏଞ୍ଜାସି ଝେଡ଼ା କିଅସି □

୩୮ ନା ଦାମ୍ବୁତି ମାଣ୍ଟସି ନାମୁତଲେ ନୀଡ଼ିନାସି,  
ସାମା ଆମ୍ବାଆସି ନା ତାଣାଟି ଗୁଟା ଆନେସି,  
ଆଡ଼ିହିଁ ଏଞ୍ଜାଣି ତାଣା ନା ଜୀଞ୍ଜୁ ରାହାଁ ଆଏ □”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି, ମାମ୍ବୁ ଏଞ୍ଜାରି ଗଚିତି ଲକୁ ଆଏ, ସାମା ଆମ୍ବାଆରି ଜୀଞ୍ଜୁତି ଗେଲ୍ପି ଆହାଲି ନାମିନେରି, ମାମ୍ବୁ ଏଞ୍ଜାରି ଗଚିତି ଲକୁତମି □

୧୧

୧ ନାମ୍ନୁ ଇଚିହ୍ନି ଆସା କିହିମାନାଣି ବାରେ ସାତେଏ  
ବେଟାଆନାୟି, ଇଞ୍ଜା ତଞ୍ଜାଆଆଗାଟାୟି ସାତେଏ ମାନେ ଇଞ୍ଜି  
ପୁନାୟିଏ ନାମ୍ନୁ □

୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା  
ଝେଞ୍ଜିତେରି □

୩ ☆ମାର ନାମୁଟି ପୁନାୟି, ବାରେ ଦାରତି ମାହାପୁରୁତି ବଲୁ ତଲେ  
ଗାଡ଼ି ଆଡେ, ଅଡେ ଏନାୟିଝା ତଞ୍ଜା ଆଆଗାଟି ତାଣାଟି ତଞ୍ଜା  
ଆନାୟି ଗାଡ଼ି ଆହା ହିଲେଏ □

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହ୍ନି ପୂଜା  
ହେରପିତେସି ଇଞ୍ଜା ଏଦାଣି ତଲେ ଏଝାସି ଦାମ୍ନୁଗାଟାସି ଆଡେସି;  
ମାହାପୁରୁ ତାନୁଏ ତାନି ଦାନାତାକି ସାକି ହୀତେସି, ଅଡେ ଏଝାସି  
ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହୁମାନେସି □

୫ ନାମୁଟି ହନକ ହାଆନା ମାହାପୁରୁ ତାଣା ଅଝିଆଡେସି ଇଞ୍ଜା  
ମେଣ୍ଡିକିତେସି; ଅଡେ ଏଝାସି ତଞ୍ଜା ଆଆଡେସି, ଇଚିହ୍ନି ମାହାପୁରୁ  
ଏଝାଣାଇଁ ଅହାନା ମେଣ୍ଡିକିତେସି, ଏଝାସି ମାହାପୁରୁତି ରାହାଁ  
ଗାଟାସି, ମେଣ୍ଡିକିନି ନଡେଏ ଏଝାସି ଏ କାତା ଝେଞ୍ଜାମାଚେସି;

୬ ଅଡେ ନାମୁ ହିଲୀଆନା ଆମ୍ବାଆସି ମାହାପୁରୁଇଁ ରାହାଁ କିହାଲି  
ଆଡ଼ଅସି, ଇଚିହ୍ନି ମାହାପୁରୁ ସାତେଏ ମାନେସି ଇଞ୍ଜି, ଅଡେ  
ଏଝାସି ତାଙ୍ଗେ ପାରିନାରାଇଁ ତାନି କିତି କାମାତି ପାଡେୟି ହୀନେସି,  
ଇଦାଆଁ ଏଝାଣି ତାଣା ଝାନ୍ତି ଲକୁ ନାମିନାୟିମାନେ □

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି  
ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲପାଲିତାକି ର  
ଜାଜା କେପିତେସି, ଇଞ୍ଜା ଏ ନାମୁତଲେ ଏଝାସି ଦାରତିତି ଦହ  
କିହାନା ନାମୁତଲେ ମାହାପୁରୁ ନକିତା ଦାମ୍ନୁଗାଟାସି ଆଡେସି □

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟ୍‌କି ଆହାଲିଏ, ଆମିନି  
ଦେସା ଏଝାସି ବେଟାଆହାଲି ହାଜିମାଚେସି, କାତା ମାନୁଝି ଆହାନା  
ଏମ୍ବାଆଁ ହାଜାଲି ହଡେସି, ଏଝାସି ଏମ୍ବିୟା ହାଜିମାନେସି, ଏଦାଆଁ  
ଏଝାସି ପୁନାଆନା ଜିକେଏ ହଡାହାଚେସି □

୯ ନାମୁଚି ଏଝାସି ଏବ୍‌କା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଝାସି ତୁମୁତା ବାସା କିତେସି ଅଡ଼େ ଏଝାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି □

୧୦ ଇଚିହ୍ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡ଼େ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାଡ଼ାମାଚେସି □

୧୧ ନାମୁତଲେ ସାରା ବାଞ୍ଜେଣି ଆହ୍ଁ ତାନୁଏ ଜିକେଏ ଆଞ୍ଜାମାନାଣାକ୍ ଦୂତି ବୁଡ଼ହି ଆହାମାଚି ଜିକେଏ ପୁରାମାସା ଆହାଲି ବାଡ଼ୟୁ ବେଟାଆଡ଼େ;

୧୨ ଅବ୍ରାହାମ ଦୂତି ବୁଡ଼ହା ଆହାମାଚି ଜିକେଏ ଏଝାଣି ତାଣାଚି ହାଗୁତି ହୁକାୟାଁ ଅଡ଼େ ସାମ୍‌ଦୁରିତି ବାଞ୍ଜା ଲେହେଁ ଏଜିକିହାଲି ଆଡ଼ାଆଗାଚି ର ହାରେକା କୁଡ଼ା ଜାର୍ନା ଆଡ଼େରି □

୧୩ ଏ ବାରେଜାଣା ମାହାପୁରୁକ୍ ନାମାହ୍ଁ ହାଡ଼େରି; ଏଝାରି ମାହାପୁରୁ ଆଞ୍ଜାମାଚାଣି ପୁଃଆତି ଜିକେଏ ହେକଟି ଏ ବାରେ ମେସାନା ରାହ୍ଁ ଆଡ଼େରି ଇଞ୍ଜା ଦାର୍‌ତିତା ମାମ୍‌ବୀଦେସା ଅଡ଼େ ବାସା କିହାମାନମି ଇଞ୍ଜା ଜଲିତେରି □

୧୪ ଇଚିହ୍ ଆମିନି ଗାଟାରି ଇଲେତି କାଡ଼ା ଜଲିନେରି, ଏଝାରି ତାମି ଅଡ଼େ ର ଦେସା ପାରିମାନେରି ଇଞ୍ଜା ଝେସିମାନେରି □

୧୫ ଏଝାରି ଆମିନି ଦେସା ପିସା ଝାହାମାଚେରି, ଏ ଦେସାତି ଅଡ଼େ ଅଣ୍‌ପି ହିଲାଆଡେରି □ ଏଝାରି ଅଣ୍‌ପିତିହ୍ ମା ଏ ଦେସାତା ଝେଣ୍ଡେ ହାଜାଲି ଆଡ଼ିତେରିମା □

୧୬ ସାମା ଏଝାରି ର ହାରେକା ନେହ୍ଁଣି ଇଚିହ୍ ଲାକପୁରୁ ଦେସାତି ଅଣ୍‌ପିମାଚେରି; ଏଦାଆଁତାକି ମାହାପୁରୁକ୍ ଏଝାରି ମା ମାହାପୁରୁ ଇଞ୍ଜା ଝେଜି କିହାଲି ଲାଜା ଆହା ହିଲାଆଡେରି, ଇଚିହ୍ ଏଝାସି ଏଝାରି ତାକି ର ଗାଡ଼ା ତୀରି କିହାମାନେସି □

୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହ୍ଁ ଇସାହାକକ୍ ପୂଜା କିହାଲି ହେରପିତେସି, ଆମିନି ମାଣ୍‌ସି ଆଞ୍ଜାମାଚାଣି ମେଡ଼ା ଆହାମାଚେସି, ଆମ୍‌ଆରାକ୍ ଏଲେଇଞ୍ଜାମାଚେସି,

୧୮ “ଇସାହାକ ତାଣାଟି ନୀ କୁଡ଼ା ଝେଙ୍ଗିନେରି, ଏ ମାଣ୍ଡସି ତାନି ରଣ୍ଡିଏ ମୀରଏଣାକ୍ ଡାକିନି ପୂଜା ହୀହାଲି ହାଜିମାଚେସି □”

୧୯ ଇସାହାକକ୍ ମାହାପୁରୁ ହାଡ଼ାରି ତାଣାଟି ଜିକେଏ ନିକ୍‌ହାଲି ଆଡ଼ିନେସି ଇଞ୍ଜି ଅଣ୍‌ପାମାଚେସି, ଇଞ୍ଜା ଅବ୍ରାହାମ ସାତେଏ ଇସାହାକକ୍ ହାକିଟି ଝେଣ୍ଡେ ବେଟାଆଡେସି □

୨୦ ନାମୁତଲେ ଇସାହାକ ଖାହିନି ଦିନାତା ନେହ୍ ଆପେ ଇଞ୍ଜି ଅଣ୍‌ପାନା ଜାକୁବ ଅଡ଼େ ଏସାଫୁକ୍ ବର ହୀଚେସି □

୨୧ ନାମୁତଲେ ଜାକୁବ ହାନ୍ତି ବେଲୀତା ଜସେପତି ରୀ ମୀରକାଣି ବର ହୀଚେସି, ଇଞ୍ଜା ତାନି କୁତା ବାଡ଼ଗାତା ଗେଣ୍ଡାନା ମାହାପୁରୁକ୍ ଜହରା କିଚେସି □

୨୨ ଜସେପ ହାନ୍ତି ବେଲୀତା ନାମୁତଲେ ଇସାୟେଲ ଲକୁ ମିସର ଦେସାଟି ହଡ଼ାହାନି କାତା ଝେସ୍‌ସେସି □ ଇଞ୍ଜା ତାନି ପେଡ଼କା ତୁମ୍‌କା ତାକି ହୁକୁମି ହୀଚେସି □

୨୩ ନାମୁତଲେ ମସାତି ତାଲି ତାଞ୍ଜି ଏଝାଣି ଜାର୍ନାଆଡ଼ି ଦିନାଟିଏ ଏଝାଣାକ୍ ର ଅକିତି କକାସି ଇଞ୍ଜି ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଝାଣାକ୍ ଡ଼କୁହାନା ଇଟାମାତୁ □

୨୪ ମସା ନାମୁତଲେ ପାତାଆଡ଼ି ତାୟୁ ପାର ରାଜା ମାକ୍‌କାତି ମୀରଏସି ଇଞ୍ଜି ଝେଙ୍ଗାଲି କୁଚେସି □

୨୫ ଗାଡ଼େକା ତାକି ପାପୁ ତଲେ ରାହ୍‌ ବେଟାଆନାଣି କିହ୍‌ ମାହାପୁରୁ ଲକୁତଲେ ଦୁକୁ କସ୍ତୁ ଅର୍‌ହିନାୟି ନେହାୟି ଇଞ୍ଜି ଅପିଚେସି □

୨୬ ବାରେ ମିସର ଦେସାଟି ଦନ୍ କିହ୍‌ କ୍ରୀସ୍ତତି ନିନ୍‌ ବେଟାଆନାୟି ବାରେକିହ୍‌ କାଜା ଦନ୍ ଇଞ୍ଜି ଅଣ୍‌ପିଚେସି, ଇଚିହ୍‌ ଏଝାସି ଖାନି ଦିନାଣା ବେଟାଆନି ଦନ୍‌ତି ସିନିକିଚେସି □

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାଚେସି, ଇଞ୍ଜା ଆମ୍‌ଆସି ମେହ୍‌ଆଗାଟି ମାହାପୁରୁକ୍ ମେସିଲେହେଁ ଅର୍‌ହାନା ଡ଼ୟିଚେସି □

୨୮ ନାମୁତଲେ ଏଝାସି ପିସ୍ପିଆନ୍ତି ପାର୍ବୁତି ଅଡ଼େ ନେତେରି ତଞ୍ଜିନି ମେରା ମାନଝି ଆଡ଼େସି, ଏନିକ୍ ପାଣ୍ଡା ମୀରକାଣି ପାୟିନାୟି ଇସ୍ରାୟେଲ ମୀରକାଣି ଡୀଗେଏ ।

୨୯ ଇସ୍ରାୟେଲ ଲକୁ ନାମୁତଲେ ଝାୟିତି ବୁମିତା ତାକିନି ଲେହେଁ ସୁପ ସାମ୍ବୁରି ଗାଣ୍ଡେତେରି, ସାମା ମିସର ଦେସାତାରି ଏଲେକ୍ ଗାଣ୍ଡାଲି ଅଣ୍ପାନା ସାମ୍ବୁରିତା ମୁଞ୍ଜାନା ହାଡେରି ।

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାଡେକା ଜିରିହ ଗାଡ଼ାତି କଟା ସାରିସୁଟ୍ ରେଚିତାୟୁ ବିଡ଼ହାହାଚେ ।

୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଣେଏ ଝାହାମାରାରେଇଁ ଟାୟୁ ହୀତାକି ମାହାପୁରୁଇଁ ମାନଝି ଆଆଗାଚାରି ତଲେ ନାସା ଆଆନା ହିଡ଼ି ବେଟାଆଡେ ।

୩୨ ଅଡ଼େ ଆଗାଡ଼ା ଏନାଆଁ ଝେସ୍ରାଇଁ, ଗିଦିୟନ, ବାରକ୍, ସାମ୍ବନ୍, ଜିପ୍ତହ, ଦାବୁଦ, ସାମୁୟେଲ ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି କାତା ମିଙ୍ଗେ ଝେସାଲି ବେଲା ହାଲେଏ ।

୩୩ ନାମୁତଲେ ଏଝାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିଃହ୍ କ୍ଳାଝନିୟାଁ ଗୁଡି ମୁଦା କିତେରି ।

୩୪ ଏଝାରି ଆଜିହପେତି ତଞ୍ଜିନି ହିରୁ ତୁପହେରି, ଟୁଣ୍ଡି ତାଣାଟି ପିସ୍ପିଆଡେରି, ଏଝାରି ବାଡ଼ୟୁ ହିଲାଆ ବେଲାତା ବାଡ଼ୟୁ ବେଟାଆଡେରି, ଜୁଜୁତା ଜୀଣା ଆଡେରି, ଅଡ଼େ ମାହାପୁରୁଇଁ ନାମାଆତାରି ଜୁଜୁକିନି କସ୍କାଣି ଜୀଣାଆହାନା ପେରହାତୁସ୍ତେରି ।

୩୫ ନାମୁଟି ଆୟାସିକା ତାମି ଲକୁ ବିତ୍ରାଟି ହାଡ଼ାରାଇଁ ନିପ୍ତିକି ଆହାନା ଝେଣ୍ଡେ ବେଟାଆଡୁ; ଏଚରଜାଣା ଝେଣ୍ଡେ ନିଙ୍ଗିନାଣି ମେଡ଼ା ଆହାଲିତାକି ଗେଲ୍ପି ଆହାଲି ମନ୍ କିଆନା ଆଜିହପେତି କସ୍ତ ବେଟାଆଡେରି ।

୩୬ ଏଚର ଜାଣାଇଁ ନିୟା କିହାନା କାକହେରି, ଏଚର ଜାଣାଇଁ ସାଟ୍ଟି ତ:ରି ତଲେ ଝେଡେରି, ଏଚର ଜାଣାଇଁ ହିକ୍ଟିୟାଁ ତଲେ ଦସାନା କାୟିଦି ଇଲୁଟି ତାୟିପାରି କିଝି ଆଡେରି ।

୩୭ ଆମ୍ବାଆରି ଝାଲକାତଲେ ପାୟୁଝି ଆଡେରି, ଆମ୍ବାଆରି କରତ ତଲେ ରୀ ଗାଣ୍ଡୁ। କିହ୍ ରାଡ଼ପିଆଡେରି, ଇଞ୍ଜା କାଣ୍ଡାତଲେ

ପାୟୁଞ୍ଜି ଆଡ଼େଇ, ଆମ୍ବା ଆମ୍ବାଆରି ମେଣ୍ଡା ଅଡ଼େ ଗରି ତଲକା,  
ହୁଚାନା ରାନ୍ଧାକୁଚା ବେଟାଆଆନା କସ୍ତ, ଲାଗି ବେଟାଆହିଁ ଇତାଲା  
ଆତାଲା ରେଚେରି □

୩୮ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରକାଣା, ପାଞ୍ଜୁୟାଣା  
ଅଡ଼େ ଗାଣ୍ଡାଣା ବାସା କିତେରି; ଦାର୍ତ୍ତିତା ଏଞ୍ଜାରାକି ନୀତାଲି  
ଜଗେ ହିଲାଆଡେ □

୩୯ ଏଞ୍ଜାରି ନାମୁତଲେ ଇ ବାରେ ନେହିଁ ଝେଙ୍ଗାମାଟି ଜିକେଏ  
ଆଞ୍ଜାମାଟାଣି ବେଟାଆଆଡେରି,

୪୦ ଇତିହିଁ ମାହାପୁରୁ ମାଙ୍ଗେତାକି ହାରେକା ନେହାଁଣି କିହାଁ  
ଇଟାମାନେସି, ଏନିକିଁ ଏଞ୍ଜାରି ମା ତଲେ ଏନିକିଁ ତୀରି ଆନେରି  
ଇଞ୍ଜିଁ ମାହାପୁରୁତି ଅଣ୍ଟା ମାଟେ □

## ୧୨

### ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି  
ମା ସାରିସୁଚୁ ମାନାକି, ଝାଦୁ ମାର ବାରେତି ବଜୁ ଅଡ଼େ ଆଙ୍ଗାମାଞ୍ଜାନି  
ପାପୁ ପିସାନା ନାମୁତା ନକିନାସି ଅଡ଼େ ତୀରିକିନି ଜୀସୁଇଁ ସିନିକିହାନା  
ସାସାତଲେ ମା ନକିତା ତୀରିଆହାମାନି ଚାୟୁତା ହଣ୍ଡିନ □

୨ ମା ନାମୁ ତାକି ନକିନାସି ଅଡ଼େ ନାମୁତା ବାସୁକିନି ଜୀସୁଇଁ ମାର  
ସିନିକିନି □ ଏଞ୍ଜାସି ନକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା  
ଲାଜା ବେଟାଆହାନା ହାନ୍ତି ପାତେକା ଅରୁହିତେସି ଇଞ୍ଜିଁ ଏଞ୍ଜାସି  
ନୀଏଁ ମାହାପୁରୁତି ସିଂଗାସାଣି ଚିଃନି ଚଟତା କୁଗାମାନେସି □

୩ ମାରୁ ଏନିକିଁ ମୀ ମନତା ଝାହୁ ଝାହୁଅଡେରି; ଇଦାଆଁତାକି  
ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ ଅରୁହିତେସି,  
ଏଞ୍ଜାଣି କାତା ମାରୁ ଅଣ୍ଟାଦୁ □

୪ ମାରୁ ପାପୁ କପାଟି ଜୁଜୁ କିହାନା ନୀଏଁ ପାତେକା ମୀ ନେତେରି  
ହାନି ପାତେକା ଆଙ୍ଗା ହିଲଅଡେରି □

୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଝେସାମାଞ୍ଜାନି,  
ସାସାହାନି କାତା ବାଣାଆଡେରି କି ?



“ଏ ନା ମୀରଏଣାତି, ପ୍ରଭୁ ସାଲୁଖି କିୟାନାଣି ଉଜେଏତାୟି ଇଞ୍ଜି  
 ଇନାଆନି,  
 ଆଆତ୍ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା  
 ପିହୁଆନି;

୬ ଏନାଆଁତାକି ଇତିହିଁ ପ୍ରଭୁ ଆମ୍ବାଆରାଇଁ ଜୀଞ୍ଜୁ ନନେସି,  
 ଏଞ୍ଜାଣାଇଁ ଜାଗ୍ରାତା କିହ୍ନା ଜାପ୍ନେସି ଅଡ଼େ ଆମିନି  
 ମୀରଏଣାଇଁ ଆବିନେସି, ଏଞ୍ଜାଣାଇଁ ସାସ୍ତି ହାନେସି □”

୭ ନେହ୍ନାତେରି ଆହାଲି କସ୍ତ ଅରହି ମାଞ୍ଜେରି, ମାହାପୁରୁ ମିଙ୍ଗେ  
 ମୀରକା ଲେହେଁ ଲେମ୍ବିମାଞ୍ଜାନେସି, ଇତିହିଁ ଆବା ଆମ୍ବାଆରାଇଁ  
 ତଣ୍ଡୁ ହାଅସି ଇଲେତି ମୀରଏସି ଆମ୍ବାଆସି ମାନେସି ?

୮ ସାମା ଆମିନି ତଣ୍ଡୁତା ବାରେ ଆଣ୍ଡିନେରି, ଇଞ୍ଜା ମୀରୁ ଏମ୍ବାଆଁ  
 ଆଣ୍ଡାଆତାତେରି, ଆତିହିଁ ମୀରୁ ମୀରକା ଆଆନା ଦାରେଣି  
 ମୀରକା ଆଦେରି □

୯ ଅଡ଼େ ଜିକେଏ, ମା ଦାରତିତି ତାଞ୍ଜିୟାଁ ମାଙ୍ଗେ ସାସ୍ତି ହୀୟାତି  
 ଜିକେଏ ଏଞ୍ଜାରାଇଁ ମାର ମାନି କିତାୟି, ଆତିହିଁ ମା ଲାକପୁରୁତି  
 ଆବାଇଁ ଏଚେ ହାରେକା ମାନୁଞ୍ଜି ଆହାନା ଜୀଞ୍ଜୁ ବେଟା ଆଆୟି ?

୧୦ ମା ଦାରତିତି ତାଞ୍ଜିୟାଁ ତାମି ଅଣ୍ଡପୁତା ନେହିଁ ଆନିଲେହେଁ  
 ମାଙ୍ଗେ ଗାଡ଼େକା ଦିନାତାକି ସାସ୍ତି ହିୟାତେରି; ସାମା ମାର ଏନିକି  
 ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା  
 ନେହିଁ ତାକି ମାଙ୍ଗେ ତଣ୍ଡୁ ହିୟାନେସି □

୧୧ ମାର ସାସ୍ତି ବେଟାଆନାୟି ରାହ୍ନାଗାଟାୟି ଆଆନା ଦୁକୁ ଗାଟାୟି  
 ଆନେ, ଆଡ଼ିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି,  
 ତାୟୁ ଏଞ୍ଜାରାକି ହିଡ଼ଡ଼ିତି ପାଡ଼େୟି ଲେହେଁ ଦାମୁତି ପାଡ଼େୟି  
 ବେଟାଆନେରି □

### ଝେହ୍ନାୟି ଇଞ୍ଜା ଜାଗ୍ରାତା କିନାୟି

୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସ୍ତା ପେର୍ଦୁ ଅଡ଼େ  
 ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ □

୧୩ ସଲକେ ଜିରୁତା ତାକାଦୁ; ଆତିହିଁ, ମୀ ସଗା ଆଡ଼ି କତା  
 ଆଡାଆଗାଟାୟି ଆଆନା ନେହିଁ ଆନେ □

୧୪ ବାରେଜାଣା ତଳେ ହିଡ଼ଡ଼ି ତଳେ ମାଞ୍ଜାଲି ଅଣ୍ଠପାଦୁ, ଅଡ଼େ ସୁଦୁଗାଟାସି ଆଥାନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନକିଦୁ □

୧୫ ଏଡ଼େତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣାଟି ନସ୍ତ ଆନେସି ଇଞ୍ଜା ଏନ୍ କାମ୍ବେଲି ତାକି ନେୟାନା ପାଡା ଆହାଁ ମିଙ୍ଗେ ନସ୍ତ କିୟାନେ ଅଡ଼େ ଏମ୍ବାଟି ହାରେକା ପଲ୍ଲଆ ଗାଟାରି ଆନେରି;

୧୬ ଏସାଝୁ ଲେହେଁ ଆମ୍ବାଆସି ଦାରିଗାଟାସି କି ଦାମ୍ବୁ ହିଲ୍ଲାଆଗାଟାଣି ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମୀରୁଏଣି ପାଣା ପାରୁଟା ମାଚେସି □

୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଟାଆହାଲି ଅଣ୍ଠପିତହ୍ ଜିକେଏ ବେଟାଆହାଲି ଆଡ଼ାଆଡେସି, ଅଡ଼େ ମନ ଝେଟହାଲି ତାକି କାଣ୍ଡୁ ରୁକ୍‌ହିହ୍ ପାରାଲି ଅଣ୍ଠପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆଡେସି □

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନେରି, ରୁଝାଗାଲି,

୧୯ ତୀଡ଼ି ଡ଼କିନି ହାଡ଼ା ଇଞ୍ଜା କାତା ଝେହ୍ନି ହାଡ଼ା ତାଗେ ଝାଆଡେ, ଝେନାରି ଏ ହାଡ଼ା ଝେଞ୍ଜାନା ଏନିକ୍ ଏଝାରାକି ଅଡ଼େ ଏନି କାତା ଝେସ୍ପି ଆଏ, ଇଦାଆଁ ବାତିମାଲ୍ଲା ମାଚେରି;

୨୦ “ଇତିହ୍ ଏନି ଜନ୍ତ ଜିକେଏ ଏ ହରୁତି ତୀଗିନେ, ଆତିହ୍ ଏଦାନି ଝାଲ୍‌କାତଲେ ଇରହାନା ପାୟିଝିଆନେ □” ଇ ଆନିନି ହୁକୁମି ହୀପକି ଆହାମାଚେ, ଏଦାଆଁ ଏଝାରି ଅରହାଲି ଆଡ଼ାଆଡେରି;

୨୧ ଏଦି ଆଜିହ୍‌ପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରୁଗିମାଇଁ □”

୨୨ ସାମା ମୀରୁ ସିୟନ ହରୁ ଅଡ଼େ ନୀଡ଼ାମାନି ମାହାପୁରୁତି ଗାଡ଼ା, ଇତିହ୍ ଲାକପୁରୁତି ଜିରୁସାଲମତା, ହାରେକା ଦୂତୁୟା ଝାହାମାଚେରି ଏମ୍ବାଆଁ ଝାହାମାଞ୍ଜେରି □

୨୩ ଅଡ଼େ ଏ ପାଣ୍ଝା ମୀରୁକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍‌କି ଆହାମାନେ ଅଡ଼େ ବାରେତି ନୀହାୟି କିନି ମାହାପୁରୁ ନକିତା ତୀରିକିଝି ଆହାମାନି ଦାମ୍ବୁତି ଜୀଝୁୟା □

୨୪ ପୁଃନି ରାଜିମାନା ମାଦିତି ଜୀସୁ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାବ୍ରେକା ନେହ୍, ଏ ନେତେରି ତାଗେ ଖାହାମାଞ୍ଜେରି □

୨୫ ହେଶୁ, ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇଚିହ୍ ଆମ୍ବାଆସି ଦାର୍ତିତା ହୁକୁମି ହୀତେସି, ଏଞ୍ଜାଣାଇ ତାକି ଗେଲପି ଆଆତେରି, ଆତିହ୍ ଆମ୍ବାଆସି ଲାକପୁରୁତି ହୁକୁମି ହୀହିମାଞ୍ଜାନେସି, ଏଞ୍ଜାଣି ତାଣାଟି ଏବ୍‌କା ହାଟିସାରେ ମାର ଗେଲପିଆଆୟି, ଇଦି ଏଚେକା ସାତା ଆଏ ?

୨୬ ଏଚିବେଲା ଏଞ୍ଜାଣି ହାଡ଼ା ଦାର୍ତିଇଁ ଖୀବ୍‌ହେ, ସାମା ନୀଏଁ ଏଞ୍ଜାସି ପାରମାଣା କିହାଁ ଖେସାମାଞ୍ଜାନେସି, “ନାନୁ ଅଡ଼େ ଖେଣ୍ଡେ ଖାରଇ ଦାର୍ତିଇଁ ଖୀବ୍‌ଇଁ, ଏଦି ଆଏ ସାମା ହାରୁ ପାକାଇଁ ଜିକେଏ ଖୀବ୍‌ଇଁ □”

୨୭ ଅଡ଼େ ଖେଣ୍ଡେ ଇଞ୍ଜାଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆବ୍‌ଖା ଗାଟାୟି ଡ଼ୟାଲି ତାକି ଖୀତିନାୟି, ଇଚିହ୍ ଗାଡ଼ି ଆହାମାନାୟି ବାରେ ତିରି ମୀଣ୍‌ନେ □

୨୮ ଇଦାଆଁତାକି ଖୀଦୁ ଖୀତାଆଗାଟି ରାଜିତି ବେଟାଆହାନା ମାର ଏ କାର୍ମାତି ପିହ୍‌ଆପ ଇଞ୍ଜାଁ ରାହାଁତଲେ ଆଜି ଅଡ଼େ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ □

୨୯ ଏନାଆଁତାକି ଇଚିହ୍ ମା ମାହାପୁରୁ ନାସାକିନି ହିରୁ ଲେହେଁତାସି □

## ୧୩

ମାହାପୁରୁଇଁ ରାହାଁ କିନାୟି

୧ କ୍ରୀସ୍ତାନା ତାୟିୟାଁ ଅଡ଼େ ତାଞ୍ଜିସ୍ତା ରଅତେରି ରଅଣାଇଁ ଜୀଞ୍ଜୁ ନଦୁ □

୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇଚିହ୍ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୂଡ଼ୁୟାଁଣି ସେବା କିହାମାନେରି □

୩ କାୟିଦିତା ମାନାରାଇଁ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣ୍‌ପାଦୁ ଇଞ୍ଜାଁ ଆଙ୍ଗା ତଲେ ମାନାକି ଦୁକୁ କସୁ

ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଶ୍ଵାଦୁ  
□

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି  
ଅଡ଼େ ତକ୍ତା ମାନି ତଲେ ଡୟାପୁ, ଏନାଆଁତାକି ଇଚିହିଁ ମାହାପୁରୁ  
ଲାଗେଏତି କାମା ଅଡ଼େ ଦାରିକାମା କିନାରାଇଁ ନୀହାୟି କିନେସି □

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି  
ମାନେ, ଏମ୍ପାଆଁ ରାହାତଲେ ମାଞ୍ଜୁ, ଇଚିହିଁ ମାହାପୁରୁ ଏଲେଇଞ୍ଜା  
ମାନେସି, “ନାନୁ ନିଙ୍ଗେ ଏଚେଲାଞ୍ଜା ପିସ୍ତୁଅଁ, ନାନୁ ନିଙ୍ଗେ ଏଚେଲାଞ୍ଜା  
ବାଣାଆୟଅଁ □”

୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି,  
“ପ୍ରବୁ ନା ସାୟେମି ଆନାସି,  
ନାନୁ ଇଚାଣି ଆଜଅଁ,

ମାଣସି ନାଙ୍ଗେ ଏନାଆଁ କିହାଲି ଆଡ଼ାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲୁ ଝେସାମାଞ୍ଜାତେରି,  
ମୀରୁ ଏଲେତି କାଜାରାଇଁ ମାନି କିଦୁ; ଏଞ୍ଜାରି ଏନିକିଁ  
ନୀତାମାଚେରି ଇଞ୍ଜା ହାଡ଼େରି, ଏଦାଆଁ ଅଶ୍ଵାଦନା ଏଞ୍ଜାରି ନାମିତି  
ଲେହେଁ ମୀରୁ ଜିକେଏ ନାମାଦୁ □

୮ ଜୀସୁ କ୍ରୀସ୍ତ ରେଃଏନି, ନୀଞ୍ଜୁ ଅଡ଼େ କାଲେଏ ତାକି ସମାନା  
ଡ଼ୟିନେସି □

୯ ଏଟକା ଅଡ଼େ ଅର ରଲେତି ଜାପ୍ନି ତାଣା କିଲିବିଲି ଆଆଦୁ,  
ଇଚିହିଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ ତୀରି  
ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ମେରା ମାନୁଞ୍ଜି  
ଆନେରି, ଏଞ୍ଜାରାକି ଏନି ଲାବା ଆଏ □

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି  
ଦିଶ୍ଵଇଁ ତୁମ୍ଭୁ ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା  
ହିଲେଏ □

୧୧ ଇଚିହିଁ ଜୀହୁଦିୟାଁତି କାଜା ପୂଜେରା ପାପୁ ତାକି  
ହେରପାମାନି ଜନ୍ତୁତି ନେତେରି ସୁଦୁ ଗାୟୁତା ଅନେସି; ସାମା ଏ  
ଜନ୍ତୁତି ଆଙ୍ଗା ବାରେ ସାମ୍ପା ପାଙ୍ଗାତା ତାତାହାଁ ହୃଡ଼ଞ୍ଜିଆନେ □

୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକି  
ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡ଼େସି □

୧୩ ଇଦାଆଁତାକି ଖାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା  
ଅରହାନା ଗାଡ଼ା ପାଙ୍ଗାତା ଏଞ୍ଜାଣି ତାଣା ହାନ □

୧୪ ଏନାଆଁତାକି ଇଚିହଁ ଇମ୍ବାଆଁ ବାରେ ଦିନାତାକି ମାଙ୍ଗେ  
ଡ଼ୟିନି ଗାଡ଼ା ହିଲେଏ, ସାମା ମାର ତାୟୁ ଖାହିମାନି ଗାଡ଼ାତି  
ବେଟାଆହାଲି ପାରିମାନାୟି □

୧୫ ଇଦାଆଁତାକି ଖାଦୁ, ମାର ଜୀସୁ ତାଣାଟି ମାହାପୁରୁଇଁ ଜହରାତି  
ପୂଜା କିନ, ଇଚିହଁ ତାନି ଦରୁ ଜଲିମାନି ଗୁଡ଼ିତି ବାରେଦିନା  
ହେରପିନ □

୧୬ ଏଟକା ତାରାଇଁ ସାୟେମି କିହାଲି ବାଣା ଆଆଦୁ, ଇଚିହଁ  
ଇଲେତି ପୂଜା କାମାତା ମାହାପୁରୁ ରାହାଁ ଆନେସି □

୧୭ ମୀ କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇଚିହଁ  
ଆମିନି ଗାଟାରି ମାହାପୁରୁକି ଲେକା ହାନାୟି ମାନେ, ଏଞ୍ଜାରିଲେହେଁ  
ଏଞ୍ଜାରି ମୀ ଜୀସୁତି କାଟିମାନେରି, ଏନିକି ଏଞ୍ଜାରି ଏଦାଆଁ  
ଦୁକୁତଲେ କିଆନା ରାହାଁତଲେ କିହାଲି ଆଡ଼ିନେରି; ଦୁକୁତଲେ  
କିତିସାରେ ମିଙ୍ଗେ ଏନି ଲାବା ହିଲେଏ □

୧୮ ମାଙ୍ଗେତାକି ପ୍ରାତାନା କିଦୁ, ଇଚିହଁ ମା ନାମୁ ମାନେ, ମା  
ଅଣ୍ପୁ ନେହାୟି ଆପେ, ଅଡ଼େ ବାରେ କାମାତା ନେହଁ ମାଣ୍ଡକି  
ଆହାଲି ମାୟୁ ଅଣ୍ପିମାନମି □

୧୯ ଅଡ଼େ ନାନୁ ମୀ ତାଣା ଏନିକି ତବେ ଖାୟାଲି ଆଡ଼ିଇଁ,  
ଏଦାଆଁତାକି ମାହାପୁରୁ ତାଣା ପ୍ରାତାନା କିହାଲି ନାନୁ ମିଙ୍ଗେ ହାରେକା  
ବାତିମାଲିମାଞ୍ଜାଇଁ □

### ରାନି ପ୍ରାତାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ କାଲାକାଲା ଡ଼ୟିନି  
ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁଇଚିହଁ ମା ପ୍ରବୁ  
ଜୀସୁଇଁ ହାଡ଼ାରି ତାଣାଟି ନୀଟହା ମାନେସି;

୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାତା  
ଜୀସୁ କ୍ରୀସୁ ତାଣାଟି ରାପ୍‌ହାନା ତାନି ମନଲେହେଁ କିହାଲି ମିଙ୍ଗେ

ବାରେ ନେହଁ କାମା କିୟାପେସି □ ଏଞ୍ଜାଣାକି କାଲାକାଲାତି  
ଗାଝୁରମି ଆଠେ □ ଆମେନ୍ □

### ଆକୁତି ରାନ୍ତି କାତା

୨୨ ଏ ତାୟି ତାଲିସ୍ତା, ନାନୁ ମିଙ୍ଗେ ବାତିମାଲିମାଞ୍ଜାଲ୍, ଇ ଜାଗ୍ରାତା  
କିଞ୍ଜିକିନି କାତା ସାସା ଇଟାନା ମନ୍ ହୀଦୁ, ଇଞ୍ଜା ନାନୁ ରାହାଁ କିହାଲି  
ଇ ଉଶା ଆକୁ ମିଙ୍ଗେ ରାଚାମାଲ୍ □

୨୩ ମା ତାୟି ତିମତି କାୟିଦିତି ତବେ ପିସ୍ପି ଆହାମାନେସି ଇଞ୍ଜଁ  
ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା  
ବେତିଞ୍ଜାହାଲି ଖାଲ୍ □

୨୪ ମୀ ବାରେ କାଜାରାଲ୍ ଅଡେ ମାହାପୁରୁ ଲକୁଲ୍ ଜହରା ଖେହ୍ଦୁ  
□ ଏମିନି ତାୟିୟା ଇଗାଲି ଦେସାଟି ଖାହାମାନେରି, ଏଞ୍ଜାରି ମିଙ୍ଗେ  
ଜହରା ଖେସିମାଞ୍ଜାନେରି □

୨୫ ମାହାପୁରୁତି କାମାମେହ୍ନାୟି ବାରେତେରି ମିଙ୍ଗେତାକି  
ଆୟାପେ □

**ପୁସ୍ତକ ଶିକ୍ଷା**

**The New Testament the Kusaal language (Ghana)**

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

**ପୁସ୍ତକ ଶିକ୍ଷା,**

**କୁସାଲ ପୁସ୍ତକ ଶିକ୍ଷା, 2020**

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20